


ՀԱՍՈՒՅԹԸ՝

ԶՈՂՎԱԾ ԱԶԱՏԱՄԱՐՏԻԿՆԵՐԻ


ԸՆՏԱՆԻՔՆԵՐԻՆ



ԾԱՆՐ

ՎԱՐԱԳՈՒՅՐ

Պատմում է ՀԱԲ-ի կոմիսար
ՎԱՐԴԱՆ ՎԱՐԴԱՆՅԱՆԸ



ՀԱՍՈՒՅԹԸ՝

ԶՈՀՎԱԾ ԱԶՍԱՄԱՐՏԻԿՆԵՐԻ ԸՆՏԱՆԻՔՆԵՐԻՆ

ԾԱՆՐ

ՎԱՐԱԳՈՒՅՐ

(պատմում է ՀԱՐ-ի կոմիտեի
վԱՐԴԱՆ ՎԱՐԴԱՆՅԱՆԸ)

«Գրական թերթ» երևան 1992

Սնվել է 1929 թ. Կոտայքի շրջանի Շահաբ (Մայակովսկի) գյուղում: Ավարտել է Երևանի պետական համալսարանի բանասիրական ֆակուլտետը: 1958—72 թթ. աշխատել է Երևանի մշակույթի օջախներում և «Ավանգարդ» թերթի խմբագրությունում որպես արվեստի, գրականության ու գիտության բաժնի վարիչ: Հեղինակել է բազմաթիվ հոդվածներ կերպարվեստի, կինոյի, թատրոնի, գրականության և գիտության թեմաներով, կատարել թարգմանություններ: 1969 թ. հրատարակել է Կոմիտասին նվիրված «Հավերժ ճամփորդ» գրքույկը, որը թարգմանվել է ռուսերեն և ուկրաիներեն: 1973—83 թթ. աշխատել է «Հայաստան» հրատարակչությունում որպես արվեստի խմբագրության բաժնի վարիչ: Գրել է հայկական գորգարվեստին նվիրված աշխատություն, որը պատրաստ է տպագրության և սպասում է իր հովանավորին:

1988—90 թթ. հասարակական-քաղաքական բուռն իրադարձությունների ժամանակ անդամ և ղեկավարներից է եղել մի շարք ազգային կազմակերպությունների (ԱԽՄ, «Զորավիգ», ՀԱԲ, «Միացյալ ճակատ», «Նախախորհրդարան»): Մինչև ՀԱԲ-ի լուծարումը (1990 թ. օգոստոս) եղել է նրա կոմիսարը: Վերջին գործունեության համար դատապարտվել և պատիժը կրել է Սովետաշենի բերդում ու Կոշի գաղութում:

Մարդու մեջ եղած գեները, նրա դաստիարակությունը, կրթությունը, պարարտ հող գտնելով, ի վերջո, պիտի դրսևորվեն: Պատանեկության տարիներին, երագել եմ զինվորական դառնալ, բայց միշտ էլ մտածել եմ, որ չեմ կարող, քանի որ հակումներս ավելի շատ պոեզիայի, գրականության, կերպարվեստի, երգ-երաժշտության կողմն էին: Դաստիարակվել եմ մեր գրականության հայրենասիրական թևով, Րաֆֆին, որի հայրենակիցն եմ,— իմ նախնիների ծննդավայրը Փայաջուկից ընդամենը չորս կիլոմետր հեռավորության վրա էր,— իմ պաշտամունքն էր, ես նրան կարդացել եմ դեռ 7—8-րդ դասարաններում, երբ արգելված էր. հաբեանս, որի տղայի հետ թվաբանություն էի պարապում, լավ գրադարան ուներ և թույլ էր տալիս ինձ նրանից օգտվելու: Ես նույնիսկ երգում ունեի՝ ամեն առավոտ բնից արթնանալիս, և երեկո՝ անկողին մտնելիս, հիշել Րաֆֆուն: Այդպես էլ գրել էի իմ օրագրում: Դա շարունակվեց մինչև համալսարան ընդունվելս, երբ արդեն հասուն մարդ էի, արդեն ուրիշ կերպարներ, ուրիշ հեղինակություններ եկան, խառնվեցին... Լեզվի ու գրականության մասնագետ դարձա, իմ հայրենասիրությունը ավելի խորն ու իմաստավորված էր դառնում, և դա պայմանավորված էր մեր պատմության ու մշակույթի ուսումնասիրությամբ. գնալով ավելի խորն էի համոզվում, որ այդպիսի պատմություն և արվեստ ունեցող ժողովուրդը չի կարող վերանալ աշխարհի երեսից: Բնավորությամբ հեզ չեմ, հաշտ չէի մանավանդ դեկավարների հետ, մանավանդ գաղափարական հարցերում:

1988 թ. փետրվարի 20-ին գործով մտել էի հրատարակչություն, այնտեղ ինձ ասացին, որ օպերայի հրապարակում հավաք է լինելու, իսկ թե ինչ առիթով՝ ոչ ոք չկարողացավ

ստույգ ասել: Ես գնացի այնտեղ. հազիվ մի 40—50 մարդ լինե՜ր, որոնք նույնպես չգիտեին առիթը: Ժողովուրդը զնալով շատացավ և երբ արդեն մոտ 7—8 հարյուր մարդ էր հավաքվել, եկավ Վաչե Սարուխանյանը, որին դեմքով գիտեի, տեսել էի Ղարաբաղում, ուր մինչ 88 թվականը մի ֆանի անգամ եղել էի գորգարվեստը ուսումնասիրելու առիթով: Եվ անա Սարուխանյանն ասաց, որ այս պահին Արցախում տեղի է ունենում մարզխորհրդի նիստ, որտեղ պիտի որոշում ընդունվի Լեռնային Ղարաբաղը Հայաստանին միացնելու վերաբերյալ, որոշումն էլ պիտի հասցվի Հայաստան: Դե, պատկերացրե՜իմ ոգևորությունը: Վերակառուցումն ընթացքի մեջ էր, ես կոմունիստ էի և մեծ հավատով էի լցված նրա նկատմամբ. պիտի խոստովանեմ, որ անվերապան ընդունում էի մարքսիզմը, քե՜ս կուսակցության շարքերն եմ ընդունվել 42 տարեկան հասակում: Ավելի շուտ չէի դիմել, որովհետև անձամբ բազմաթիվ կուսակցականների գիտեի, որոնք իսկական հանցագործներ էին, անբարոյական, կաշառակեր և բարձր պաշտոններ էին զբաղեցնում: Լրագրող լինելու բերումով շատ տեղերում էի լինում, շատ մարդկանց հետ աղբնշվում—շփվում և զանազան արատներ տեսնելով հանդերձ՝ շարունակում էի հավատալ մարքսիզմին. ինչպես չհավատայի, երբ մանուկ հասակից մեզ ներարկել էին Լենինին պապիկի գործին ծանայելու, նոր աշխարհ կառուցելու ոգին: Հետո միայն հասկացա, որ այդ ամենը մտածված, հետևողականորեն կիրառվող ֆաղափական կեղծիք է:

Ուրեմն, երբ Վաչեն ասաց այդ որոշման մասին, մտածեցի, որ դա շատ նիշտ մտածված ֆայլ է. չէ՜ որ Գորբաչովն իր ելույթներում արդեն մի ֆանի անգամ ասել էր, որ մեզանում ազգային հարցը նիշտ չի լուծված և պիտի շտկվի ուրիշ բազմաթիվ այլ հարցերի հետ մեկտեղ: Ի դեպ, այդ ժամանակ աշխատում էի պետական պատկերասրահում և, որպես կուսակցական, ղեկավարում էի ֆաղխմբականեր, մարդկանց բացատրում էի վերակառուցման գաղափարները և համոզում, որ դա է փրկելու երկիրը: Եվ անա այդ պահից ես զինվորագրվեցի ազգային—ազատագրական պայքարին և այլևս ոչ մի բացակայություն չեմ ունեցել, շատ աշխատանք կատարելով նաև կուլիսներում. այսօրվա ղեկավարությունը, որ իշխանու-

բյան է հասել, դրանում կա նաև իմ ծառայությունը՝ այն առումով, որ այդ ժամանակից ի վեր իմ նպատակը կոմունիստական վարչակարգի տապալումն էր։ Սումգայիթից հետո ես այլևս ոչ մարսիզմին էի հավատում, ոչ Լենինին կամ մեկ ուրիշին. ես ասես վերածնվեցի գաղափարապես որպես նոր մարդ։ Այդ օրերի իմ արտահայտությունը, որ լավ ծանոթ է իմ շրջապատի մարդկանց, այս էր՝ մենք բոլորս սկսում ենք մեր նոր կենսագրությունը, դու կաշառակեր ես եղել, հանցագործություններ ես կատարել թե ինչով ես զբաղվել՝ ոչ մի նշանակություն չունի, այսօրվանից կամ նորից ծնվում ես որպես սրիկա, կամ որպես մաֆուր հայորդի։ Սա իմ խորին համոզմունքն էր։

Սումգայիթից հետո ես, թերևս, առաջիններից մեկն էի, որ գեներ վերցնելու կոչ արեցի. դրանից բավական ուշ Խոր Մուրադյանն էր, որ նույն կոչով հանդես եկավ։ Ասեմ, որ կապիտանի կոչում ունեմ, համալսարանն ավարտելուց հետո շատ անգամներ վերապատրաստման եմ մեկնել, այսօրվա այդ սարսափելի «Գրադից» ֆենություն եմ հանձնել։ Ինչն է. ծանոթ լինելով ժողովրդի տնտեսական վիճակին, գիտական պոտենցիալին, կոչ արեցի այլևս ոչ մի գործադուլ չանել, բնդհակառակը, մի հերթափոխ էլ ավելի աշխատել ու արտադրել գեներ ու զինամթերք։ Հայաստանը ունի գիտական փայլուն միտք, գիտատեխնիկական նույնքան փայլուն մտավորականություն, առաջնակարգ կոնստրուկտորներ ու վարպետներ։ Հայտնի է, որ 1941—45 թթ. Երևանի 447-րդ (այժմ Հայ-էլետկտրո) գործարանը գեներ էր արտադրում, անգամ ինքնաթիռներ էին հավաքում այդտեղ, այնպես որ՝ զինագործ վարպետների մի մասը կար, կային նրանց աշակերտները։ Լրագրական աշխատանքի բերումով ես լայն շփում ունեի արտադրության, գիտատեխնիկական մտավորականության հետ, ժամանակին ինձ նույնիսկ համարում էին Մերգելյանի անվան ինստիտուտի հատուկ թղթակիցը. այնտեղ մի երևույթ չկար, որ չլուսաբանեի։ Ահա այս ամենը լավ իմանալով էր, որ կոչ էի անում գեներ ու զինամթերք արտադրել, կազմակերպել բանվորական, գյուղացիական ջոկատներ, հասկանում էի, որ մենք մտնում ենք երկարատև, թերևս անվախճան պատե-

րազմի մեջ: Եկել էր ազգային-ազատագրական պայքարի ժամը, այն, ինչին վաղուց էինք սպասում:

Պիտի ասեմ, որ 1965-ին, երբ նշվում էր Մեծ եղեռնի 50-ամյակը, ես «Ավանգարդ» թերթի աշխատակիցն էի և ներկա եմ եղել մեր ժողովրդի զարթոնքի այդ առաջին պոռթկմանը: Ամեն ինչի ականատեսն եմ եղել, հիշում եմ Պարույր Սևակի, Սիլվա Կապուտիկյանի ելույթները, այն 7 հոգու ելույթները, որոնք հետագայում ձերբակալվեցին: Այն ժամանակ, տեսնելով իմ ակտիվությունը, մարդիկ մոտենում էին ինձ ու առաջարկում մտնել իրենց ֆաղափական կուսակցության մեջ: Հիմա չգիտեմ՝ խոհեմությամբ վերագրեմ, թե վախին, բայց նրանց ասացի, որ առանց ժողովրդական բուն զանգվածների աջակցության խորհրդային հասարակարգում հրճարավոր չէ ֆաղափական մեկ այլ կուսակցության գոյությունը: Ես հիմա էլ այդ համոզմունքին եմ: Ի դեպ, այսպիսի մի միտք էլ եմ զարգացրել դեռ այն ժամանակ՝ խորհրդային բանտերում ֆաղափական գործիչներ չեն կարող ծնվել, դա անհնարին է, ֆաղափական գործիչ դառնալու համար նախ պիտի իսկապես ֆաղափական պայքարի բարենպաստ պայմաններ լինեն ազատության մեջ, իսկ բանտերը մարդկանց հոգին խեղում են: Իմ այս գնահատականը վերաբերում է նաև այսօրվա որոշ պոլիտիկոսների, որոնք պարծենում են իրենց բանտարկությամբ: Քաղաքական բանտարկյալը սովետական բանտից դուրս է գալիս կա՛մ որպես կենդանի դիակ, կա՛մ հոգով խեղանդամ, կա՛մ որպես ծախու գործակալ: Սա հայտնի իրողություն է: Մեր այս շարժման օրերին 1965-ի ակտիվիստներից շատերն արդեն ՊԱԿ-ի գործակալներ էին: Հիմա նրանց անունները չեմ հրապարակի, դրա կարիքը չկա, ինչպես ասում են՝ օրը կգա... Սա՝ իմիջիպալոց:

Ինձ պայքարի է կոչել բացառապես իմ գաղափարական կողմնորոշումը, գնացել եմ հոգուս թելադրանքով: Ինչո՞ւ հատկապես դեպի գինված պայքարը: Որովհետև խոր համոզմունք ունեի, որ այս երկրում ոչ թե սոցիալիզմ է, այլ պետական կապիտալիզմ, դասակարգերը վերանալու են, իշխում է պետական մոնոպոլիան: Վերջերս, երբ ուսումնասիրում էի ֆաշիզմի պատմությունը, Հիտլերի կյանքն ու գործը, ավելի փառ համոզվեցի, որ գերմանական ֆաշիզմն օգտվել է

խորհրդային ֆաշիզմի հարուստ փորձից. դրանց տարբերությունն այն է, որ մեզանում ֆաշիզմը եղել է կոմունիզմի շղարշով զարդարված և այդ պատճառով էլ տևեց ավելի քան 70 տարի, իսկ գերմանական ֆաշիզմը մերկ էր և այն աստիճան ինֆնաբացահայտվեց, որ աշխարհի ժողովուրդներին ոտքի հանեց իր դեմ և տևեց քնդամենը 12 տարի: Ահա ինչու խորհրդային ֆաշիզմը շատ ավելի խոր ավերածություններ կատարեց մարդկանց, ժողովուրդների հոգեբանության մեջ, քան գերմանականը:

Ուրեմն, սուսգայիթյան դեպքերից հետո ես դարձա ինֆնապաշտպանության համար զինվելու գաղափարի փարոզիչը: «Ղարաբաղ» կոմիտե—2-ը (այսպես եմ ասում, որովհետև առաջին կոմիտեն ստեղծել էին Իգոր Մուրադյանը, Վաչե Սարոխանյանը և էլի ուրիշ մի քանիսը) շատ չանցած ինձ համարեց պրովոկատոր: Կոմիտեի անդամները ինձ թույլ չէին տալիս միկրոֆոնին մոտենալ, ես չէի կարող ժողովրդին հայտնել իմ մտքերը, ստիպված էի հանրահավաքն սկսվելուց առաջ իմ հանրահավաքն անել կա՛մ Սպենդիարյանի, կա՛մ Թումանյանի արձանի պատվանդանի մոտ. բորբոքում էի մարդկանց միտքը, նրանք ինձ լսում ու զարմանում էին, թե ինչու կոմիտեի տղաները ինձ թույլ չեն տալիս հրապարակավ ելույթ ունենալ:

Այսպես ուրեմն, գաղափարը կար դեռևս Նալբանդյանի օրվանից՝ սուր է հարկավոր կտրինի ձեռքին (ես Նալբանդյանին համարում եմ մեր ֆիդայական շարժման նախակարապետը), մնում էր համախոհներ գտնել, մարդկանց մոբիլիզացնել ու անցնել գործի: Իմ ելույթները լսելով՝ ինձ մոտենում էին կոնստրուկտորներ, վարպետներ ու խոստանում էին գեներել նորոգել, ես նրանց ցուցակագրում էի, հետները կապ էի պահպանում: Նպան գիտնականներ, որոնք երբորդ, չորորդ մարդու միջոցով ինձ իմաց տվին, որ կարող եմ ժամանակակից անեղ զենք ստեղծել: Ես կազմակերպություն էի փնտրում, ինքս այդպիսին ստեղծել չէի կարող, դրա համար միջոցներ էին պետք: Կար պատերազմի և աշխատանքի վտեճանների մի կազմակերպություն, որ գլխավորում էր Սամվել Պողոսյանը: Տարիքս թույլ էր տալիս հարելու այդ կազմակերպությանը, և այդտեղ այնքան ելույթներ ունեցա, այնքան

առանձնացան իմ համախոհները, որ կազմակերպությունը տրոհվեց երկու մասի: Մի մասը մնաց նախկին շենքում, որտեղ մենք մեր նիստերն էինք գումարում, և կոչվեց «Զորավիգ»: Նրա խնդիրն էր ի մի բերել և պաշտպան դառնալ ինքնաբերաբար ստեղծված ժողովրդական ինքնապաշտպանական ջոկատներին, որ արդեն գործում էին ինչպես Նրնանում, այնպես էլ Հայաստանի տարբեր շրջաններում: Դրանից հետո էր, որ ստեղծվեց «Նախախորհրդարանը» Ֆելիքս Սաֆարյանի* ջանքերով. արդեն հույս կար, որ շատ շուտով բոլշևիկյան տոտալիտար վարչակարգը տապալվելու է և ծնվելու են նոր կառույցներ: Ես դարձա «Նախախորհրդարանի» ռազմական գործի հանձնաժողովի ղեկավար ղեմփր:

Եվ ահա, երբ արդեն ժողովուրդը մեր մասին գիտեր, մի օր մեր նիստին ներկայացավ Ռազմիկ Վասիլյանը և խնդրեց, որ կազմակերպության որոշ անդամներ ներկա լինեն իրենց կողմից հրավիրվող հանրահավաքին և ելույթ ունենան: Նա արդեն հանդես էր գալիս որպես նորաստեղծ Հայոց ազգային բանակի՝ ՀԱԲ-ի հրամանատար, սա արդեն 89 թ. հուլիսին էր: Ես գնացի նրանց այդ հանրահավաքին, ելույթ ունեցա և հայտնեցի իմ հիմնական այն միտքը, որ ժամանակը, ստեղծված իրավիճակը պահանջում է փաղափական պայքարից զատ մղել նաև զինված պայքար, շեշտեցի անհապաղ ազգային բանակ ստեղծելու անհրաժեշտությունը: Վասիլյանը երևի թե նիշտ հասկացավ իմ ելույթի իմաստը: Նրա կեսէջանոց ծրագիրը ընդամենը չորս կետ էր պարունակում, հիմնական միտքն այն էր, որ ՀԱԲ-ը կամավորական բանակ է և ոչ մի փաղափական կուսակցության չի ենթարկվում, նրա հիմնական խնդիրը ազգի ինքնապաշտպանության կազմակերպումն է: Իմ ծրագիրն ավելի ընդարձակ ու հեռահար էր: Այդ ժամանակ ՀԱԲ-ի կազմում ընդամենը 30—40 մարդ կար: Բայց կարևորը գաղափարն էր, որ արդեն թևածում էր օդում. ի վերջո, ամենամեծ կենդանին՝ փիղն էլ է ծնվում մի փոքրիկ բջիջից:

Գաղափարը կար և պիտի մարմնացում ստանար, թեև «Ղարաբաղ» կոմիտե—2-ը ամեն կերպ խոչընդոտում էր: Բանն այն է, որ սովգայիթյան եղեռնից հետո այդ կոմիտեի

* Օրերս ճշտեցի, որ Ռաֆայել Համբարձումյանն է եղել նախաձեռնողը:

անդամները փարոզում էին շիջնել թուրքերի մակարդակին, մինչև հիմա ականջիս մեջ հնչում են Աշոտ Մանուշարյանի խոսքերը, թե՛ Հայաստանում ոչ մի ադրբեջանցու քթից արյուն չպիտի հոսի, իսկ խաչիկ Ստամբուլցյանն ասում էր՝ մենք ֆրիստոնյա ենք, մենք չպիտի իջնենք բարբարոսների մակարդակին, թուրքն էլ մարդ է, ինչու եմ ուրախանում նրա մահով... Այս փարոզությունը փարոջալում էր այն ժողովրդին, որը հրեղեն ձիու պես ծառս էր եղել ու սպասում էր իր տիտանական հեծյալին, որը ուղղություն պիտի տար պայքարին։ Մինչդեռ կատարվում էր հակառակը, և դա, իմ խորին համոզմամբ, գալիս էր վերևից։ Վերև ասելով ես միայն կենտրոն չեմ հասկանում։ Անհնար է հրապարակներում ազգային փրկության ծրագիր ստեղծել, դա ստեղծվում է մեծ տառապանքով, կորուստներով, տասնամյակների ինֆնազոնոլոյամբ։ Այդ առումով արժե հիշել Հայ Հեղափոխական Դաշնակցության հիմնադիրներին, որոնք զոհվում էին իրենց իսկ ձեռքով նոնակ պատրաստելիս... Իսկ երևանում ուզում էին ամբոխավարությամբ լուծել Արցախի հարցը։ «Ղարաբաղ» կոմիտե—2-ը խաղաղով ամբոխի զգացմունքների վրա, Գորբաչովի արտահայտությամբ՝ «рвался к власти»: Հարկավոր էր մեր ժողովրդի ազգային-ազատագրական պայքարի դառն պատմության փորձից ելնելով՝ ստեղծել ազգային փրկության ծրագիր, հաշվի առնելով, որ մենք գտնվում ենք մի վիթխարի, թեկուզև փլուզվող կայսրության կրկնի տակ, կայսրություն, որի ոնրագործ ֆաղափականության հետևանքով կորստյան էր մատնվել մեր պատմական հայրենիքի վիթխարի մասը, ժողովրդի երեք ֆառորդը։ Եվ մեր ազգային փրկության ծրագիրը պիտի հյուսվեր լուսնյակ սերունդների զգացմունքներից, մեր ցավից, մեր զարթնած գաղափարներից, մեր սթափ գնահատումներից, որպեսզի դրանով ղեկավարվելով՝ ժողովուրդը կարողանար հասնել իր երազած ափը։ Ես չեի հավատում, թե սահմանադրական ճանապարհով մենք կարող ենք Արցախը միացնել Հայաստանին, տվյալ պահին մեզ համար առաջնահերթ խնդիրը ինֆնապաշտպանության կազմակերպումն էր։ Եվ իմ բոլոր ջանքերը նվիրված են եղել այդ նպատակին։

Վասիլյանի հրավերով նրանց հանրահավաքում ելույթ

ունենալուց հետո պարզ դարձավ, որ ՀԱԲ-ը, իբրև այդպիսին, չի կայացել: Եվ ահա օգոստոսի 4-ի հանրահավաքում ելույթ ունենալով, ասացի, որ հենց այսօր ծնվում է Հայոց ազգային բանակը և առաջին անգամ հրապարակայնորեն մատյաններ դրեցին, որ ցանկացողները զինվորագրվեն: Այդ օրը շուրջ երեք հազար մարդ զինվորագրվեց, տղամարդիկ էին, առանց տարիքի խտրականության, կանայք ու աղջիկներ: Այդ օրը զինվորագրվեց իմ ողջ ընտանիքը: Իսկ նույն ժամանակ ՀՀՇ-ականներն իրենց հանրահավաքներում ոչնչից չխորշելով մեզ վարկաբեկում էին. ասում էին՝ մենք մարդկանց ցուցակագրում ենք, որպեսզի ցուցակները հանձնենք ՊԱԿ-ին: Այդ պատճառով էլ որոշ ժամանակ մարդիկ երկմտում էին, դժվարությամբ էին ներգրավվում մեր շարքերը: Իսկ երբ սահմանամերձ կոիվներում մեր ջոկատներն ապացուցեցին իրենց անձնուրացությունը, ժողովուրդը ոգևորվեց, կարողացավ ճեղքել հերյուրանքների ու խարդավանքների ոստայնը...

Մեր առաջնահերթ նպատակներից մեկը ՀԱԲ-ի կառուցվածքի ստեղծումն էր: Մենք հանգեցրինք այն եզրակացության, որ անհրաժեշտ է հանրապետության սահմանի ողջ երկայնքով, Մեղրիից մինչև Նոյեմբերյան, ստեղծել շտաբներ, ռազմական համբարներ, որպեսզի կարողանանք ապահովել սահմանների անձեռնմխելիությունը: Այդ ժամանակ դեռ չունեինք ոչ նյութական, ոչ ռազմական համապատասխան ուժ Արցախին օգնելու համար, բայց գտնում էինք, որ Հայաստանի սահմանների ամրապնդումը ոչ միայն բարոյական, այլև ռազմական իմաստով արդեն իսկ օգնություն է Արցախին: Արցախցիներին օգնություն էինք ցույց տալու Հայաստանի սահմաններն ամրացնելուց հետո միայն: Դա էր մեր ծրագիրը: Արդեն ուսումնասիրել էինք այն ճանապարհները, որոնցով մեծաքանակ ջոկատներ պիտի անցկացնեինք Արցախ, կապեր էինք հաստատել թե Հայաստանի և թե Արցախի սահմանամերձ շրջանների բնակչության, հիմնականում՝ երիտասարդների հետ, որոնք պիտի ապահովեին ջոկատների գիշերային անցումը եղանակային անբարենպաստ պայմաններում (նժդհի սիրում էր ասել՝ բշտամուն պիտի խփել եղանակային ամենաանպաստ պայմաններում, երբ նա կույզ եկած՝ ոչ մի հարվածի չի սպասում):

Ամբողջ 89 թվականի ընթացքում մենք մի քանի շրջանում միայն կարողացանք համբար ստեղծել, քանի որ գինամթերք չկար: Մինչև 1990 թվականի Բաժվի կոտորածը ՀԱԲ-ի շարժերում ընդամենը 5—6 հազար մարդ կար. գործը դժվարությամբ էր առաջանում, կրկնում եմ՝ միջոցների պակասի պատճառով: Ինքս անձամբ, և մյուսները նույնպես, գնում էինք գործարաններ, շոկատներ ստեղծում, 10—15 օրով ուղարկում համբարներ սահմանապահություն անելու: Շրանք մնում էին այնքան, ինչքան հերթում էր հետները բերած ուտեստը: Մարդիկ, տեսնելով, որ ՀԱԲ-ը դառնում է իրենց պաշտպանը, օգնում էին՝ սնունդ, հագուստ, զենք, գինամթերք:

Բաժվի հայկական կոտորածների լուրն առնելուն պես, հիշում եմ, ժողովուրդը նորից ալեկոծվեց: Այն նույն հրապարակում, որտեղ ինձ պրովոկատոր էին կոչել, արդեն սկսեցին հնչել զենքի դիմելու կոչեր: Մինչև հիմա հիշում եմ Աշոտ Մանուկյանի, Վառն Սիրադեղյանի ելույթները, որոնք, ժողովրդին դիմելով, ասում էին՝ դուք շատ լավ գիտեք, թե զենքերը որտեղ են և ինչպես պետք է ձեռք բերել: Այդ օրերին Կենտկոմի քարտուղար Սուրեն Հարությունյանի հետուստատեսային ելույթից պարզ հասկացվեց, որ մեզ ոչ ոք չի պաշտպանելու, որ մենք մեր հույսը պետք է դնենք մեզ վրա, այսինքն՝ պիտի զինվենք ու ինքներս մեզ պաշտպանենք:

Հիմա այլևս ամենայն համոզվածությամբ կարող եմ ասել, որ զենք բռնագրավելու կոչը արվել է վերևից: Հիշում եմ, թե ինչպես միլիցիայի բաժանմունքից զանգահարեցին ՀԱԲ-ի գորակայան և ասացին, թե ինչո՞ւ չենք գնում զենքը վերցնելու, երբ ուրիշ շոկատներ արդեն անում են նման բաներ: Եվ երբ մեր տղաները գնացել էին Խորհրդային շրջանի միլիտանտներից զենքը «առգրավելու», պետի տեղակալ Մամյանն ասել էր՝ տղաներ, գոնե այնպիսի մի բան արեք, որ հասկացվի, թե բռնությամբ եմ մեզնից զենքը խլում, չստացվի, թե մենք ենք կամովին ձեզ տալիս... Տղաներն էլ կրակել, շենքի ապակիները շարդուփշուր էին արել, իսկ Մամյանը նեղացել էր դրանից, ասում էր՝ այս ցուրտ ձմռանը ոնց մնանք սառած շենքում:

Մի խոսքով, նման բաներ եղել են ամբողջ Հայաստանում: Այդ բոլորը եղել է ինչպես ինքնապաշտպանության բնագրով,

այնպես էլ կառավարության թելադրանքով: Կարող եմ նույնիսկ ասել՝ Մոսկվայի թելադրանքով: Կենտրոնը շատ էր ուզում, որ հայերի ու ադրբեջանցիների բախումը կայանա: Նրանք համոզված էին, որ Սումգայիթից հետո մենք պիտի որ Հայաստանի ադրբեջանցիների հետ բախվենք, բայց քանի որ ժողովուրդը հանրահավաքներում բարոյալիվել էր՝ այդպիսի բան տեղի չունեցավ: Ինձ հայտնի են դեպքեր, երբ հայ երիտասարդները բռնել են ադրբեջանցի կանանց, բայց ոչ կողոպտել են, ոչ էլ ծեծել ու բռնաբարել: Մեկը մյուսի երեսին նայելով ու աչիները արցունքոտելով՝ նրանց տարել, հասցրել են Նախիջևանի սահմանն ու ասել՝ գնացե՛ք:

Այս առիթով ուզում եմ անդրադառնալ մի գաղափարի, որը թուրքը շատ լավ յուրացրել է: Նա բացահայտ ճակատում չէ, որ մեզ հաղթել է. տեղում բնաջնջել է հայությանը, իսկ մենք այդ բանը չենք արել: Խմբապետ Շավարշը՝ իրականում ազնվագույն ու արվեստի սիրահար մի մարդ, իր զորագնդով էրզրում գնալու ճանապարհին անցնում էր թուրքական գյուղերով, որոնց բնակչությունը տեսնելով, որ դիմադրել չի կարող, աղուհացով էր դիմավորում նրան: Եվ Շավարշը բավա-րարվում էր դրանով: Բայց երբ հարկադրված ճահանջում էր, այդ նույն գյուղերը թիկունքից հարվածեցին նրան: Իսկ եթե Շավարշը թուրքի նման վարվեր, վերադարձին դիմադրության չէր հանդիպի: Մենք պիտի թուրքից սովորենք: Այդ նույն սխալն արել են նաև Նժդեհն ու Անդրանիկը: Զանգեզուրում Լեոնահայաստանի հանրապետությունն ստեղծելիս Նժդեհը ոչ թե բնաջնջեց, այլ Նախիջևան ֆշեց թուրքական ութ գյուղի բնակչությանը, որը այնտեղ թուրքերին միանալով՝ կոտորեց Նախիջևանի հայությանը և, ի վերջո, դատարկվեց Նժդեհի հայրենի եզերքը: Սա գալիս է Բրիտանությունից: Ես չեմ ընդունում Բրիտանությունը որպես ազգային կրոն. ամեն ազգ ինքն է ստեղծում իր կրոնը, ուրիշի հայրը չի կարող ֆո հայրը լինել, ուրիշի մայրը ֆո մայրը չէ: Քրիստոսը ծնվել է ուրիշ նպատակների համար, ինչպես մյուս բոլոր աստվածությունները: Ամեն ազգ ինքն է ստեղծում իր փրկության ծրագիրն ու կոչում աստված այս կամ այն անունով: Սա իմ համոզմունքն է, որ խոր գիտական հիմքեր ունի: Եթե Անդրանիկը Նախիջևանը գրավելով՝ թուրքի փորձը կիրառեր,

ապա այսօր Նախիջևանը չէր լինի Ադրբեջանի կազմում: Անդրանիկի ֆրիստոնեական այդ «մեղփին» ավելանում է նաև նրա ուս-բուլշեիկյան կողմնորոշումը, որը Հովհ. Թումանյանի ազդեցության արդյունքն էր: Թե չէ՝ միայն զարմանալ կարելի է, որ Նախիջևանը ազատելով՝ միացնում է ոչ թե Հայաստանի Հանրապետությանը, այլ թողնում է բուլշեիկյան Ռուսաստանի տրամադրության տակ: Ես, իհարկե, խոնարհվում եմ Անդրանիկի մեծության առաջ, բայց պատմությունն էլ հենց նրա համար է պատմություն, որ թելադրում է չկրկրենի սխալները:

Նորից հետ դառնալով 1990 թ. Բաֆվի հունվարյան դեպքերին հաջորդած իրադրությանը, ասեմ, որ ՀԱԲ-ն սկսեց Սասունցի Դավթի պես ոչ թե օրով, այլ ժամով մեծանալ: Օր էր լինում՝ տասը հազար մարդ էր դիմում նրա շարքերն ընդունվելու համար: Մենք սկսեցինք վերցնել նաև բունների ռազմական ամբիոնների ուսումնական զենքը, ԴՕՍԱԱՖ-ի դպրոցների տանկերը, զրահամեքենաները, հրետանին, որոնց մի մասը փչացած էր, մի մասը՝ մասնատված, դրանք մեր շնորհալի վարպետների ձեռքերով արագ վերանորոգվում ու տրվում էին ջոկատներին: Այդ տեխնիկան էր, որ վնասված դեր կատարեց Երասխի կռիվներում: Մինչ այդ սահմանապահ գյուղերի ջոկատների ձեռքին ընդամենը որսորդական հրացաններ էին: Իսկ այդ զենքով մենք ոչ միայն հետ էինք մղում ադրբեջանցիներին, այլև լոցեցնում էինք նրանց կրակակետերը: Եվ եթե շիներ ՀՀՇ-ի ֆարոգշությունը, մենք կարող էինք գրավել Նախիջևանը, ոչ թե նրա համար, որ այն ազատեինք ու միացնեինք Հայաստանին, — մենք այդքան միամիտ չէինք ու գիտեինք ինչ ուժի հետ գործ ունենք, — պարզապես Սում-գալիթի հակակշիռը կլինեք և լավ դաս ադրբեջանցիներին:

Այդ օրից սկսած ՀԱԲ-ը դարձավ հանրապետությունում հռչակված ռազմական ուժ և սահմանալիք բոլոր ընդհարումների ժամանակ մյուս զինված ջոկատներն անպայման հաշվի էին նստում ՀԱԲ-ի ղեկավարության հետ, համագործակցում էին, համատեղ գործողություններ էին ձեռնարկում: Պիտի ասեմ, որ ոչ ես, ոչ էլ Ռազմիկ Վասիլյանը որևէ հավակնություն չունեինք հրամանատար դառնալու, պարզապես խորը գիտակցում էինք, որ մեր ազգը պիտի բանակ ծնի, որ պաշտ-

պանի պետությանը: Մնվող երեխան պիտի խնամակալ ունենա, այլապես գոյատևելու երաշխիք չի ունենա: Մնվող պետության դայակը բանակն է: Սա իմ խորին համոզմունքն է:

Այդ օրերին Ռ. Վասիլյանի ու ինձ հետ հանդիպումներ են ունեցել կուսակցության ու կառավարության ղեկավարները, որոնք հիացմունքի ու շնորհակալության խոսքեր են ասել մեզ, բայց բարոյական այդ աջակցությունից զատ նրանցից որևէ օգնություն չենք ստացել: Մենք գեկուցագրով դիմեցինք Միևիստրների խորհրդի նախագահ Վլ. Մարգարյանցին, խնդրելով բեռնատար ու մարդատար ավտոմեքենաներ (ՌԻԱԶ, «Նիվա») տալ արագ տեղաշարժերի համար: Նա խոստացավ, բայց չտվեց, և այդ պատճառով էլ ստիպված էինք լինում դիմել հիմնարկ-ծեղնարկությունների ղեկավարներին ու ստացականով ժամանակավորապես վերցնել նրանց մեքենաները: Դա առիթ դարձավ, որ հետագայում, ինձ ու Վասիլյանին ձերբակալելուց հետո, մեզ մեղադրեն հափշտակության մեջ...

Ուրեմն, 1990 թականին արդեն Մեղրիից մինչև Նոյեմբերյան սահմանի երկայնքով ունեինք շտաբներ ու ռազմական համբարներ, որտեղ ռազմական դաստիարակություն էին ստանում ոչ միայն տեղերի երիտասարդները, այլև Երևանից, մյուս ֆաղաֆներից ու շրջաններից հավաքված կամավորականները: Արդեն 160 հազար մարդ կար մեր շարքերում: Ի դեպ, այս թիվը ծաղրուծանակի ենթարկվեց թե՛ ՀՀՇ-ի, թե՛ Կենտրոնի կողմից: Մոսկվայում հրատարակվող ինչ-որ մի կոմերցիոն թերթ գրեց, թե ՀԱԲ-ը բնդամենը 350 հոգուց բաղկացած մի ավագակախումբ է, որը հիմնականում զբաղվում է անասնագողությամբ: Ադրբեջանցիներից անասուն է գողանում ու վաճառում հայերին, Հայաստանից գողացածն էլ՝ ադրբեջանցիներին. դրանով մտածված թշնամություն էր սերմանվում հարևան երկու ժողովուրդների միջև, ավելի շուտ՝ բորբոքվում էր արդեն ծայր առած թշնամությունը: ՀՀՇ-ն պրովոկացիա որակեց նաև Նոյեմբերյանի երկրորդ կոիվը (1990 թ. օգոստոսի 19—21-ը), մինչդեռ մեր խնդիրն էր բացել մարտ ամսից փակված Իջևան—Նոյեմբերյան մայրուղին, գիտենալով, թե այդ շրջափակումը տնտեսական ինչ մեծ վնասներ է հասցնում հանրապետությանը: Ասեմ նաև, որ մինչ այդ Բաղանիս և Ոսկեպար գյուղերի արևմուտ շուրջ 50 հոգի

անհետ կորել էին իրենց ավտոմեքենաներով. դրանք հայ մարդիկ էին՝ կին, տղամարդ, երեխա, ու դա լցրել էր տեղացիների համբերության բաժակը: Թուրքերը օգոստոսի 19-ին մի ավտոմեքենա էին կանգնեցրել, որի մեջ երեք հայ տղամարդիկ էին եղել, մեկը՝ իր կնոջ հետ: Մեր ջոկատի տղաները ռացիայով պատահաբար լսել էին թուրքերի խոսակցությունը, որոնք ասում էին, թե՝ հայերի ենք բռնել, մեկի կինն էլ հետներն է, շատ լավիկն է, շատ արեք, եկեք, թե չէ՝ ձեզ բաժին չի մնա... Տղաները էլ չէին համբերել, և տեղի էր ունեցել ընդհարումը: Բայց ես գորակայանից հրաման ունեի, որ գնայի ու հետ բերեի ջոկատը, որն այնտեղ էր հասել Վարդենիսից: Կառավարությունը խոստանում էր բանակցությունների միջոցով բացել այդ մայրուղին: Հետո միայն համոզվեցի, որ նա անկարող էր կամ գուցե թե ջանք էլ չթափեց: Մայրուղին մինչև օրս էլ փակ է, և մեր սահմանային գյուղերը անվերջ ենթարկվում են գնդակոծության: Իսկ եթե այն ժամանակ մենք մի փոքր ավելի վնասկան լինեինք...

Մենք ծրագրել էինք ամրացնել Հայաստանի հյուսիսային երկու դարպասները և շատ մեծ կարևորություն էինք տալիս դրան: Բանն այն է, որ Ղազախի ու Մաոնեուլի դեմ-դիմաց, արդեն Հայաստանի տարածքում, կան թուրքաբնակ գյուղեր, որոնք մեզ համար շատ վտանգավոր են: Դրանց անհապաղ գրավումը ստրատեգիական առումով շատ անհրաժեշտ էր: Այդ գյուղերի պատնառով է, որ Իջևան—Նոյեմբերյան մայրուղին մինչև օրս չի գործում, դրանք են, որ մեզ հանգիստ չեն թողնում մեր իսկ տան մեջ և մեծ վնաս են պատճառում ամեն առիթով:

Հարցնում եմ, թե, այնուամենայնիվ, ինչպե՞ս պատահեց, որ զանազան ֆրեական տարրեր, առանձին հանցագործ խմբեր, մտնելով ՀԱԲ-ի շարքերը, կատարեցին անօրինական գործողություններ և վարկաբեկեցին մեզ: Պիտի նախ հիշել այն պայմանները, որոնցում սաղմնավորվեց, ապա և ձևավորվեց ՀԱԲ-ը: Դրանք, ինչպես ասում են, էֆստրեմալ պայմաններ էին, և մենք չէինք կարող թուրքին ասել՝ դու սպասիր, մինչև մեր կանոնավոր բանակը ստեղծենք, ուսումնարաններում ռազմական պատրաստություն անցնենք, ռազմական կարգուկանոն սովորենք, բարոյական կրթություն տանք

մեր զինվորներին և նոր միայն բերենք քո դեմ կռիվելու: Մեր առջև դրված էր օրհասական հարց՝ դիմել զենքի, ինքնապաշտպանության նպատակով: Ձեռք ասելով՝ ես հասկանում եմ ամեն բան, ես իմ հենց առաջին ելույթներում եմ դա ասել, — զենք է բռնեցիր, փար, մահակը: Մարդ նախ գաղափարապես է զինվում, որ թշնամուն հակադրվի, հետո նոր ձեռքն է առնում զանազան իրեր, առարկաներ, որոնք կարող են շատ թե փչարդյունավետ լինել: Ինչ խոսք, ամենաարդյունավետը զենքն է, հրազենը, մանավանդ՝ ծանր: Մինչև դրան հասնելը շատ ժամանակ կար: Երբ ՀՀՇ-ականները ծաղրածանակի էին ենթարկում ՀԱԲ-ը և ասում էին՝ եղած-չեղածը մի հար է, կույ կտանք, կգնա, ես նրանց պատասխանում էի այսպես. Զորավար Անդրանիկը, որ ծնվեց՝ կաթ էր ուտում, ոչ մի բան չգիտեր, չէր ֆայլում, ուրեմն եկեք նրան էլ ծաղրածանակի ենթարկենք, ասելով՝ նա ինչ գորավար էր որ: Մինչդեռ նա պիտի հասունանար, նոր գորավար դառնար: Այդպես էր նաև ՀԱԲ-ը. ծնվել էր, պիտի գորանար, դառնար ազգային բանակ, եթե հայ ժողովուրդը դա ցանկանար, որովհետև միայն ազգի կամքով է ծնված մանուկը դառնում ազգային հերոս. չլինե՞ր այդ կամքը՝ Անդրանիկը գորավար չէր դառնա:

Մեր բանակը ծնվել էր կամավորական հիմունքներով. մենք ունեինք դիմումի հատուկ ձև, որտեղ գրված էր. ես, այսինչ-այսինչյանս, կամավոր մտնում եմ Հայոց ազգային բանակի շարքերը և երդվում եմ ազնվորեն ծառայել իմ ազգին, պայքարել ազատ, անկախ և միացյալ Հայաստանի համար: Սա եղել է նաև մեր երդումը: Ինչպես հայտնի է, ամեն մարդ կարող է երդում տալ, բայց ամեն մարդ չէ, որ պահում է, դրա համար էլ կա երդմնազանց բառը: Երդմնազանցների հանդեպ ՀԱԲ-ը ուներ իր պատժիչ միջոցները, ընդհուպ մինչև ռազմական դատարանը: Բայց փանի որ, այնուամենայնիվ, մենք իրավաբանական մարմին չէինք, օժտված չէինք ազգի բոլոր խնդիրներին լուծելու իրավասություններով, ուստի որոշ կարգի հանցագործների տալիս էինք իրավապահ մարմինների ձեռքը: Խոսքը երդում տված մարդկանց մասին է: Այդպիսի հանցագործներ եղել են: Օրինակ, Մեխակ անուկով մեկը կար, որը մեր կողմից երկու անգամ պատժվել և ապա հանձնվել է իրավապահ մարմիններին, նույնիսկ բերդ

է նստել, բայց հետո ազատվել է ավելի շուտ, քան մենք, որ ոչ մի հանցանք չէինք կատարել: Վերջում պարզվեց, որ այդ մարդը ծառայել էր ՊԱԿ-ին, միլիցիային, մի խոսքով՝ օտար տարր էր մեր շարքերում, թեև կամավոր եկել, երդում էր տվել: Կոիվներին մասնակցել էր, բայց հետագայում չարաշահել էր ՀԱԲ-ի անունը, նույնիսկ բռնաբարություն էր կատարել, գույք էր թալանել, մարդ էր ծեծել, մեքենա էր փախցրել: Սակայն այդ ամենը նրան ներվեց, որովհետև, կրկնում եմ, նախկին կազմբեական էր եղել, միլիցիայում էր աշխատել, իսկ մենք այդ բոլորը չգիտեինք: Այդպիսի մարդիկ, ինչպես նաև այլ կարգի հանցագործներ եղել են և չէին կարող չլինել: Եթե կանոնավոր բանակում կան հանցագործներ, այն էլ՝ ոչ քիչ, ապա կամավորականում կլինեն ու կլինեն: Մեքենով շեմ ուզում ասել, թե մենք ամեն առումով անմեղ էինք: Մենք մեր դաստիարակչական աշխատանքը հնարավորին չափով անում էինք, բայց ուզում եմ ասել, որ դա անխուսափելի էր, մարդիկ գալիս, խնդրում էին ծառայել հայրենիքին, ես ինչ իրավունքով պիտի նրանց մերժեի, քանի որ չգիտեի նրանց ով և ինչ լինելը: Դրա հնարավորությունը չկար էլ: Դա պարզվում է ժամանակի, կոնկրետ գործողությունների ընթացքում:

Այնպես որ՝ նման մեղադրանքներով ՀԱԲ-ին վարկաբեկելը համարում եմ անհիմն: Մենք, վերջին հաշվով, գործել ենք խորհրդային իրավակարգի պայմաններում, իսկ այդ իրավակարգում գործում էր ՊԱԿ-ը (մինչև այսօր էլ գործում է), որը շատ լավ գիտե, թե ում ինչպես վարկաբեկի: Այս բանը ես ասում եմ բացահայտ և պատասխանատու եմ իմ խոսքերի համար: ՊԱԿ-ի հանձնարարությամբ մարդիկ, ամբողջական ջոկատներ մտնում էին ՀԱԲ-ի շարքեր և կատարում էին հանցագործություններ՝ մեր անունը պախարակելու նպատակով: Մարդիկ էլ կային, որ ՀԱԲ-ի անդամ չէին, բայց ամեն տեղ ներկայանում էին իբրև այդպիսին: Օրինակ. ինձ մոտ եկավ էջմիածնի ջոկատից մի խումբ. ասացին, որ ուզում են մտնել ՀԱԲ-ի մեջ: Հետաքրքրվեցի, թե ովքեր են այդ տղաները: Պարզվեց, որ Նահատակյանի ջոկատից են, իսկ Նահատակյանը բացահայտ ՀՀՇ-ական էր, նրա՝ ջոկատը կովել էր Բերդաձորում, ես դա շատ լավ գիտեի: Եվ անհա այդ

տղաներն ասացին, որ հեռանում են այն պատճառով, որ իրենց հրամանատարը զբաղվում է ֆաղափականությամբ, իսկ իրենք ուզում են հայրենիքի համար կռվել: Ես նրանց ասացի՝ կգնաք, այս-այս-այս նախապատրաստական աշխատանքները կանեք, ես կգամ, կստգոմեմ, որից հետո կորոշենք: Մի շաբաթ անց որոշեցի հանդիպել նրանց: Պարզվեց, որ այդ մի շաբաթվա ընթացքում խմբի տղաները զավթել են լվված մի շենք, որի բակում արդեն շարված էին 27 բռնագրավված մեքենա: Այդ բոլոր. մեքենաների վրա գրված էր ՀԱԲ: Ավելին, նրանք շրջանի ունեւոր ֆաղափացիներին ստիպել էին մեծ գումարներ տալ: Շենքի հակառակն փակցրել էին «ՀԱԲ-ի շտաբ» ցուցանակ՝ առանց մեր գրավոր կամ բանավոր համաձայնությունն ունենալու: Մինչդեռ մենք որևէ շրջանում շտաբ ստեղծելիս հավաքի միջոցով անպայման տեղյակ էինք պահում ժողովրդին, դրանից հետո միայն տալիս էինք կնիք, բլանկ և մյուս բոլոր անհրաժեշտ բաները, նշանակում էինք շտաբի պետ, տեղակալ, անպայման ունենում էինք բոլոր անդամների ցուցակը, գիտեինք, թե յուրաքանչյուրը ինչ մասնագիտության տեր է, զենքի որ տեսակին է տիրապետում: Մի խոսքով, այս ամենը չէր արված, բանավոր խոսքից հետո գնացել ու իսկույն գործի էին անցել: Ես նրանց պարտադրեցի, որ իսկույն հետ վերադարձնեն մեքենաները և այլևս մեր անունից շանտաժի չենթարկեն ֆաղափացիներին: Բայց դրանից հետո անգամ Հոկտեմբերյանի մեր ջոկատի հրամանատարը այնտեղ բռնում է մի ֆանի հոգու՝ մեքենա կողոպտելու պահին, մեքենան վերադարձնում է տիրոջը, արձանագրություն կազմում ու նրանց հանձնում միլիցիայի ձեռքը: Նման արարքները դիտավորյալ վերազրկում էին ՀԱԲ-ին՝ ժողովրդի մեջ մեր հանդեպ անվստահություն սերմանելու նպատակով:

Հիշում եմ այսպիսի մի զավեշտական դեպք, որ կարող էր էան ողբերգությամբ վերջանալ: Մեր գորակայան զանգահարեցին ու ասացին, որ «Սևան» ռեստորանում մի խումբ տղաներ կռվում են, և կարող է արյունահեղություն լինել: Մերոնք իսկույն գնացին այնտեղ՝ պարզելու իրողությունը: Մինչ նրանք ներսում կպարզեին միջադեպը, կռվող տղաներից մեկը դուրս է գալիս, հափշտակում մեր ՀԱԲ-ի

մեքենան, խմած վինակում ֆշում և վթարի ենթարկվում: Նրան բերեցին մեր շտաբը: Նրբ հարցրինք իր ով լինելը, նա ասաց՝ «Ես ՀԱԲ-ից եմ, այս մեքենան էլ ինձ տվել է պարոն Վարդանը»: Ասացի՝ «Տղա ջան, հապա նայիր, այս նստածների մեջ պարոն Վարդանը կա՞»: Նայեց, նայեց ու ասաց՝ «Զէ, չկա»... Հետո պարզվեց, որ ՀՀՇ-ական է, ռեստորանից խմած դուրս է եկել ու մտածել՝ դե որ բոլորը մեքենա են հափըշտակում, արի մեկն էլ ես ձեռքս գցեմ: Հենց ինքն էլ այսպես խոստովանեց...

Այսպիսի դեպքեր շատ են եղել: Օրինակ, երկու եղբայր կային, մեկը ՀՀՇ-ական էր, մյուսը՝ ՀԱԲ-ից: Առաջինը մեքենա էր գողացել, գույք էր բռնագրավել ու ներկայացել որպես ՀԱԲ-ի զինվոր: Մեր հատուկ ջոկատը նրան բռնեց, բերեց շտաբ, և մյուս եղբայրը, որ մեր զինվորն էր, մեր աչքի առաջ մեղցնելու չափ ծեծեց նրան՝ ՀԱԲ-ի անունը վարկաբեկելու համար: Պարզվեց, որ մինչ այդ էլ նրանք տանը անհաշտ են եղել...

1990 թ. ապրիլ ամսին լուր ստացանք, որ ՊԱԿ-ը նախապատրաստում է ՀԱԲ-ի և ՀՀՇ-ի բախումը: Իհարկե, դա մեզ հանկարծակիի չբերեց, նման բանի սպասում էինք դեռ այն օրվանից, երբ օպերայի հրապարակում նրանք բռնագրավեցին կամավոր ցուցակագրվողների մատյանները: Իսկ մինչ այդ մի ֆանի անգամ Մոսկվայից եկան զանազան մեծապատիվ պաշտոնյաներ, եկավ գեներալ-մայոր Շատալինը (ի դեպ, նրանց բոլորի հետ հանդիպել ու բանակցել եմ ես, ֆանի որ այդ ժամանակ Ռազմիկ Վասիլյանը կալանված էր Կրասնոդարում, մենք նրա պատիվը պահելու նպատակով նոր գլխավոր հրամանատար չէինք նշանակել, ես էլ ՀԱԲ-ի ռազմական խորհրդի նախագահն էի): Նրանց միակ նպատակն այն էր, որ ՀԱԲ-ը կամավոր զինաթափվի: Ես Շատալինին ասացի, որ արդեն հանձնել ենք խորհրդային բանակից վերցված ծանր ռազմական տեխնիկան, հետ են վերադարձված ԴՕՍԱԱՖ-ի ուսումնական զինատեսակները, մեր ձեռքին մնացել են ընդամենը ուսուցողական ավտոմատներ, կարափններ ու որսորդական հրացաններ ու մեր կոնստրուկտորների սարքած ինքնաշեն զենքերը, որոնք երբեք չենք հանձնել, ֆանի որ մեր

նպատակը Հայաստանի սահմանները թուրքերի ոտնաձգություններից պաշտպանելն է: Ասացի՝ այս պայքարը վերջ չունեցող պայքար է, այլևս ոչ մի հայ մարդ բարոյական իրավունք չունի անգեմ ապրելու, մենք չենք զինաթափվի, ինչ միջոցների էլ դիմեք: Շատալիներ բոլոր ձևերին դիմեց՝ ինձ վրա ազդելու համար, վերջում էլ ասաց, թե, իհարկե, մենք առնակատման չենք դիմի, բայց ճիշտը զինաթափվելն է, մենք կհամոզեմք նաև ադրբեջանցիներին, որ նրանք էլ զինաթափվեն: Ասացի՝ մեր ականջին այդպիսի երգեր ֆրանսիացիներն էլ են երգել՝ մեր արյունով նվաճված Կիլիկիան թուրքերին հանձնելով, երգել են բուլջեիկները՝ Նախիջևանն ու Արցախը թուրքերին նվաճելով և այլն: Քանի ես կենդանի եմ, ասացի, զենքը վայր չեմ դնելու, այդպես էլ իմ յուրաքանչյուր զինվորը: Ինչ ուժ էլ որ դուրս գա մեր դեմ զինաթափելու նպատակով, մենք կկռվենք մինչև մեր վերջին փամփուշտը...

Շատալիներ վերջնականապես համոզվեց, որ մենք զինաթափվելու մտադրություն չունենք: Ահա այդ ժամանակ էր, որ որոշեցին գործի դնել ՊԱԿ-ի զենքը՝ իրար դեմ հանել հրոշակված ՀՀՇ-ն ու նույնքան հոշակված ՀԱԲ-ը:

Պիտի ասեմ, որ ես այն անձնավորությունն էի, որ դեռևս «Զորավիգում» ռազմաֆաղափական աշխատանք կատարելու ժամանակ (ՀԱԲ-ի գոյության մասին դեռ չգիտեի) ձգտել եմ, որ ՀՀՇ-ի ջոկատներն էլ միանան մեզ, միասին պատրաստվեն մարտական նախապահ անցած մեր սպայակույտի գրոխավորությամբ: ՀՀՇ-ի պարագլուխները ոչ մի կերպ չհամաձայնվեցին: Մենք ֆանիցս հրավիրել ենք Վազգեն Մանուկյանին, Սշոտ Մանուչարյանին, մյուսներին. նրանք երկար ժամանակ չէին գալիս, իսկ գալուց հետո էլ որևէ ընդառաջ փայլ չկատարեցին: Բայց երբ 90 թ. ՀԱԲ-ը արդեն հզորացել էր՝ արդեն նրանք էին առաջարկում, որ մեր ջոկատները միանան իրենց խմբերին: Մենք անվերջ պնդում էինք այն միտքը, որ ֆաղափական կուսակցություններն իրավունք չունեն զինված ուժեր պահելու, դա շատ վտանգավոր է, պատմության դառը փորձը դա արդեն ապացուցել է հանձինս բուլջեիկների ու գերմանական ֆաշիզմի, որոնք, ունենալով հրսկայական զինված ուժ իրենց կուսակցությունների տրամադրության տակ, ստեղծեցին ամենասամարդկային հասարա-

կարգը և ամբողջ աշխարհը ներհաշեցին աղետի մեջ: Սրանից ելնելով էր, որ գտնում էին, թե ճիշտը բոլոր զինված խմբավորումներն ընդհանուր մի կազմի մեջ միավորելն է, որ կովեյիս լինի մեկ ընդհանուր ռազմավարությամբ, այլապես չհամաձայնեցված գործողությունները կարող են տապալել ամբողջ գործը: Իմ ծրագիրն այն էր, որ ստեղծվի միացյալ ռազմաֆալաֆական խորհուրդ, որն էլ կգլխավորի ամբողջ զինական ուժը:

Երկար ջանքերից հետո, ի վերջո, հաջողվեց համոզել բանակցելու նստել: Մեր նիստերը տեղի էին ունենում ԱԻՄ-ի գրասենյակում, հարտառապետների տանը: Դրանց մասնակցել են Լ. Տեր-Պետրոսյանը, Վ. Մանուկյանը, Վ. Սիրադեղյանը, Ա. Մանուշարյանը, Վ. Սարգսյանը, ՀԱԲ-ի կողմից եղել են ես կամ իմ տեղակալը՝ էդիկ Գևորգյանը, Բանի որ, ասացի, Ռ. Վասիլյանն այդ ժամանակ Կրասնոդարում կալանված էր: Ստեղծվեց համապատասխան ծրագիր. ռազմաֆալաֆական խորհուրդ ստեղծելու իմ առաջարկն ընդունվեց: Համաձայնության եկանք, որ ոչ մեկը առանց մյուսներին տեղյակ պահելու որևէ ռազմական գործողություն չսկսի, եթե ծրագրվում է որևէ ֆայլ, ապա պիտի անպայման արվի ռազմաֆալաֆական խորհրդի գիտությամբ:

Բայց անա Նյուվադիի դեպքը եկավ հաստատելու, որ իրականում որևէ համաձայնություն չէր կայացել: Դեպքից ուղիղ չորս օր առաջ ինձ տեղեկացրին, որ ՀՀՇ-ն ուզում է Մեդրու շրջանի Նյուվադի ադրբեջանական գյուղին հարվածել, Բանի որ այդ գյուղի բնակչությունը շարունակ նեղում էր հայկական գյուղերի բնակչությանը: Այդ լուրն առնելով՝ զնացի ՀՀՇ-ի ղեկավարների մոտ, ասացի՝ եթե այդպիսի ծրագիր ունեմ, եկեմ ընդհանուր ստրատեգիա մշակենք, մանավանդ որ արդեն ունեի նախօրոք մշակված ծրագիր, մենք պարզապես սպասում էինք հարմար պահի: Նրանք ինձ մանրամասն տեղյակ չպահեցին իրենց մտադրություններին, բայց երբ տեսան, որ իմ առաջարկած ծրագիրն ավելի պարզ ու մատչելի է, ասացին՝ լավ, մենք մենակ ոչինչ չենք անի, կհավաքվենք ու միասին կվճռենք: Սակայն չորս օր անց իմացա, որ նրանք Նյուվադիին հարվածելու անհաջող փորձ են կա-

տաբել, զոհեր են տվել և գյուղը ոչ միայն չեն ազատել, այլև իրենց անխոհեմ արարքի հետևանքով խորհրդային բանակի և ադրբեջանական օմօնի ջոկատները լցվեցին նյութադի... Ինչևէ, անա այդ դեպքից հետո էր, որ իրավունք ունեցա ասելու, թե ՀՀՇ-ն տապալեց ընդհանուր գործը: Ռազմաֆաղափական խորհուրդը այդպես էլ չկայացավ:

Սակայն որոշ ժամանակ անց,— դա երևի ապրիլի վերջին էր կամ մայիսի սկզբին,— ինձ զանգահարեցին ու հրավիրեցին մինչ այդ ստեղծված Միացյալ ուժերի շտաբի (ՄՈՒՇ) նիստին: Այդ շտաբի մեջ մտնում էր նաև Ղարաբաղ կոմիտեի անդամ Սամսոն Ղազարյանը, որպես ֆաղդել, չոկատի հրամանատարն էր Միշան՝ Վոժդը, որը հետագայում սպանվեց: Քանի որ միավորվելը իմ նպատակն էր, ուստի ես սիրով գնացի, և մինչև մայիսի 24-ը մենք ամեն օր հավաքվում ու ֆննհարկում էինք մեր անելիքները, կազմում ծրագիր և կանոնադրություն, փորձում ընդհանուր պայմանավորվածություն ձևել բերել: Բայց ֆննհարկումների ընթացքում հասկացա, որ այդ ամենը ՀՀՇ-ի կողմից կրկին խաղ էր հետին նպատակներով:

Նկավ վերջին օրը, ծրագիրն ու կանոնադրությունը համարյա թե ընդունվել էին իմ ասածով, այսինքն՝ ռազմաֆաղափական խորհուրդը չպետք է ենթարկվեր որևէ կուսակցության. նրանում պիտի ընդգրկվեին զինված ջոկատների հրամանատարները և մեկ էլ ֆաղափական կուսակցությունների ներկայացուցիչները, որոնք պիտի ֆաղափական ուղղություն տային մեր գործողություններին:

Երբ ամեն ինչ պատրաստ էր, մենք մեր երակները կրտրեցինք, արյուններս խառնեցինք իրար (ներկա էին Վազգեն Սարգսյանը, Սամսոն Ղազարյանը, Միշան, Վրեժը, «Սասունցի Դավթի», Հայ դատի տղաները և էլի ուրիշներ) ու պիտի արդեն ստորագրեինք... Սակայն ասացի՝ տղաներ, եկեք ստորագրելուց առաջ մտածենք ստրատեգիական մի խնդիր, բոլորս միասին վերլուծենք, այդ գործողությունը կատարենք, մկրտվենք, նոր իրավունք ստանանք ստորագրելու այս փաստաթուղթը: Ես որևէ առարկություն չունեի ընդունված կետերի դեմ, դրանք հիմնականում իմ առաջարկություններն էին, այնպես որ՝ չհամաձայնվելու բան չունեի, բայց մի՞թե առանց

կովի մեջ մկրավելու կարելի է դաշինք կնքել, մանավանդ ՀՀՇ-ի ջոկատների հետ, որ երբեք առիթ չէր եղել համատեղ որևէ մարտական գործողություն կատարելու: Ավելին, Կոռնիձորի առաջին կովի ժամանակ, երբ ուսական բանակի ջոկատները հարձակվել էին մեզ վրա, և մենք ստիպված պիտի նահանջեինք, ՀՀՇ-ի հրամանատարներից մեկին խնդրեցինք, որ մեր նահանջը կրակով պաշտպանեն, նա ասաց՝ մեզ հրամայված չէ կրակել... Այնպես որ՝ ճիշտն այն էր, որ կովի մեջ ապացուցվեք, թե մենք իսկապե՞ս եղբայրության դաշինք ենք կնքում, թե՞ խորամանկություններ ենք բանեցնում միմյանց հանդեպ:

Իմ ասածին բոլորը համաձայնեցին: Սակայն, շանցած շորս օր, տեղի ունեցան մայիսի 27-ի դեպքերը: Եթե հիշում եմ, այդ օրը մի խումբ զինված տղաներ հարձակվել էին Կապանի գնացքն ուղեկցող ուս զինվորների վրա՝ նրանցից գեներ խլելու նպատակով: Զինվորներն էլ պատասխան կրակ էին բացել: Եղան զոհեր:

Շենց այդ օրը, չեմ հիշում ինչ առիթով, տեղակալիս՝ էդիկ Փևրգյանի հետ գնացել էի Արովյան և մտածում էի գործն ավարտելուց հետո այդտեղից գնալ Սովետաշեն ու հանդիպել զորամասի հրամկազմի հետ: Բանն այն է, որ մի 4—5 օր առաջ ինձ մոտ էր եկել այնտեղ ծառայող մի հայ սպա ու ասել, որ հրամանատարության շրջանում լուր է տարածվել, թե իբր ՀԱՅ-ն ուզում է ուս սպաների ընտանիքների հետ հաշվեհարդար տեսնել ու վռնդել Երևանից: Ես զարմացա: ՀԱՅ-ը ոչ միայն նման մտադրություն չունեք, այլև, հակառակը, ես, կարելի է ասել, մտերմական կապեր ունեի Սուրկովի և Պիշչևի հետ, առիթներ էին եղել, որ նրանք մեզ օգնել էին, բազմիցս նրանց ասել էի, որ բանակի դեմ երբեք առնակատման չենք գնա, մեր խնդիրը Հայաստանի սահմանները ադրբեջանցիների ռոնձգություններից պաշտպանելն է: Գլխումս իսկույն միտք ծագեց, որ դա ակնհայտ սադրանք է՝ Բաֆում ուս զինվորականների ընտանիքներին ցույց տրված վայրենի վերաբերմունքի ճիշտ հակաշփոթ Երևանում ստեղծելու նպատակով: Այդ հայ սպային ասացի, որ նման բան բացառվում է և խոստացա հենց մոտ օրերս գնալ Սովետաշեն, անձամբ հրամանատարներին հավաս-

տիացնել, որ մեր կողմից նման անխոհեմ փայլ երբեք չի կատարվի:

Եվ անհա հարմար պահ էր, Արավյանից ուղեորվեցի դեպի Սովետաշեն: Սակայն դեռ տեղ չհասած, տեսանք. որ նա-նապարհը երկու կողմից փակ է՝ ոչ ներքև կարող ենք գնալ, ոչ վերև: Հավաքված միլիցիոներներն ասացին, որ կայարա-նում առավոտյան կատարված դեպքից հետո խորհրդային զորքը մտել է Երևան և բնակչությանը կոտորում է: Ասացի՝ չի կարող նման բան պատահել, բայց ներկա գտնվողները հաստատեցին: Այդտեղից Շորքուլաղ գյուղով հասա էրեբունի և ինչ տեսնեմ, մարդիկ բենգինով լի շշերը ձեռքներն. ուզում են պատրույգ դնել, որ գցեն տանկերի վրա:

Որ դա որոշակի ուժերի կազմակերպած սադրանք էր՝ այլևս կասկած չունեի:

Վերադարձա այնտեղ, ուր բեռնատար ավտոմեքենաները փակել էին նաճապարհը: Ճանապարհին մեր զինվորներից ում տեսա՝ ասացի, որ բոլոր հրամանատարներին գտնեն ու հայտնեն իմ հրամանը՝ իսկույն շտաբ վերադառնալու մա-սին: Նրանք ինձ ասացին, որ դեպքերին մասնակցելու որևէ հրաման չունեն և ինքնաբերաբար են եկել այդտեղ: Ես դեռ չգիտեի, թե Վասիլյանը որտեղ է, ինչ է մտածում: Վերադար-ձա զորակայան, Վասիլյանն այնտեղ էր, նա ասաց, որ արդեն գրավոր հրաման է ուղարկել ջոկատները հետ կանչելու:

Երբ ՀԱԲ-ի ջոկատները հեռացան միջադեպի վայրից, մյուս ջոկատները տեսնելով, որ իրենց ուժերով դիմակայել չեն կարող, նույնպես հետևեցին նրանց օրինակին, իսկ ու-վեր որ մնացին՝ շատ զոհեր տվեցին: Զոհվեցին թե զինված տղաներ, թե խաղաղ բնակիչներ: Ասեմ նաև, որ եթե բանակն իսկապես հրաման ունենար Երևանի բնակչությանը կոտորելու, ապա դժվար չէ պատկերացնել, թե ինչ ողբերգություն էր լինելու:

Եթե հիշում եմ, այդ օրերին կայացած միտինգներում ՀՀՇ-ականները մեղադրում էին ՀԱԲ-ին, թե իբր նրա ջոկատն է կայարանում հարձակվել Կապանի գնացքն ուղեկցող ուս զինվորների վրա: Անգամ ասում էին, թե Արտաշատի Սամ-վելի ջոկատն է եղել, ումանք էլ մեղադրեցին «Սասունցի Դա-

վիթ» չոկատին և այլն: Բայց ես հո գիտեի, որ ՀԱԲ-ն այդտեղ որևէ մեղք չունի և որոշեցի մի ֆննդություն կատարել...

Ինձ հետ վերցրի երկու կանանց, նստեցինք մեքենա ու գնացինք կայարան, որտեղ տեղադրված էր ՀՀՇ-ի «Նժդեհի» շտաբը (նրանք շտաբ ունեին նաև Լենինյան շրջանում, իսկ ՀԱԲ-ը այդ երկու շրջաններում բնդհանրապես շտաբ չունեի): Իմ խորհրդով կանայք մտան «Նժդեհ» շտաբ և ներկայացան որպես մայրության ֆոնդի ներկայացուցիչներ և ասացին, որ ուզում են զոհվածների բնտանիքներին օգնություն ցույց տալ: Պարզվեց, որ այդտեղ զոհվածներին անուն առ անուն շատ լավ գիտեն, բնտանիքներին էլ են համաշուրջ: Նույնը կրկընվեց Լենինյան շրջանի շտաբում, և մեզ համար այլևս ոչ մի կասկած չմնաց, որ զինվորների վրա հարձակվել են ՀՀՇ-ի տղաները: Այդտեղ մենք իմացանք նաև, որ բնդհարմանը վերջին պահին միացել է նաև այդ շտաբի պետը՝ իր մի ֆանի անդամներով: Մեզ մնում էր պարզել, թե ինչու էին դիմել նման ֆայլի:

Բանն այն էր, որ առաջիկայում, հունիս ամսին, սպասվում էր Գերագույն խորհրդի բնտրությունների առաջին փուլը: Հայտնի է, որ հիմնական մրցակիցները երկուսն էին՝ կոմկուսը և ՀՀՇ-ն, մյուս ֆաղափական կազմակերպությունները պրոպագանդիստական լայն աշխատանք կատարելու հնարավորություն դեռ չունեին, մեր դասական կուսակցությունները դեռ Հայաստան չէին վերադարձել, ՀԱԲ-ը որևէ հավակնություն չունեի, ֆանի որ, ինչպես բազմիցս եմ ասել, այն ապակուսակցական կազմավորում էր: ՀՀՇ-ն նպատակ էր դրել խայտառակել կոմկուսին, նաև ՀԱԲ-ին, որին համարում էր կոմկուսի դրածո...

Այդ օրերին մամուլում անվերջ քմբկահարվում էր այն միտքը, թե՛ ֆանի որ կոմկուսն է մայիսի 27-ի դեպքերի սադրիչը, ուստի նրա մեղքով էլ չի բացահայտվում հանցագործությունը: Հիմա ես մի հարց եմ ուզում տալ այդ մեղադրանքի հեղինակներին, որը և կլինի ուղղակի պատասխան. եթե այդ ժամանակ իշխանության գլուխ կանգնած կոմունիստները իսկապես որևէ ֆայլ չարեցին հանցագործության մեղավորներին հայտնաբերելու և պատժելու ուղղությամբ, ապա ինչո՞ւ նրանց տապալումից հետո իշխանության գլուխ

անցած ՀՀՇ-ականները հրապարակ չեն հանում այդ մեծ ռե-
րի մեղավորներին ու կազմակերպիչներին: Պատասխանը
մեկն է՝ հանցագործության թելերը ուղիղ տանում են դեպի
այդ կազմակերպություն: Ես գիտեմ, որ կոմունիստների ժա-
մանակ գործը հետաճնկվում էր և ավարտվելու վրա էր,
բայց հետագայում փակվեց-գնաց: Ջրացահայտվեցին նաև
Հայաստանում թունավորման բազմաթիվ դեպքեր, ՀԱԲ-ի
լուծարումից, նրա ղեկավարների ձերբակալումից հետո մեր
մի քանի հրամանատարների ու զինվորների այլևայլ պայ-
մաններում գնդակահարվելը...

Հարցնում եմ, թե, ինչպիսին էր ՀԱԲ-ի վերաբեր-
մունքը բնտրություններում հաղթանակած ՀՀՇ-ի հանդեպ:
Ասացի, որ մինչ այդ երկու կազմակերպությունների սկսած
մի քանի բանակցությունները արդյունք չէին տվել: Բայց,
երբ պառլամենտը ձևավորվեց, մենք մտածեցինք, որ ՀԱԲ-ը,
բնականաբար, պիտի դրվի նորընտիր Գերագույն խորհրդի և
ոչ թե ՀՀՇ-ի տրամադրության տակ: Ռազմական խորհրդի
հանձնարարությամբ ես հռչակագիր գրեցի, շարադրելով, թե
ինչ պայմաններով պիտի ՀԱԲ-ը ենթարկվի Գերագույն խոր-
հրդին: Որոշվեց, որ Ռազմիկ Վասիլյանը օգոստոսի 24-ին
ԳԽ-ի նիստում կարդա այդ հռչակագիրը: Մենք արդեն պատ-
րաստ էինք բանակցությունների, մեր միակ նպատակն այն
էր, որ այդ գործն արվի փոխըմբռնումով. ՀԱԲ-ի այն զինվոր-
ները, ովքեր կամավոր կուգենային շարունակել հայրենիքի
պաշտպանությունը՝ կմնային, ովքեր կուգենային վերադառ-
նալ իրենց խաղաղ աշխատանքին՝ կգնային:

Սակայն Ռազմիկ Վասիլյանին մերժեցին մտնել Գերագույն
խորհրդի նիստերի դահլիճ, քանի որ նա կրում էր զինվորա-
կան համազգեստ ու զենք: Այդ պատճառով էլ Վասիլյանը
համաձայնության եկավ խորհրդարանի չեմ հիշում որ անդա-
մի հետ և հաջորդ օրն ասաց՝ ստիպված եմք քեզ խնդրել, որ
դու գնաս ու կարդաս մեր հռչակագիրը: Ինձ ուղեկից դրեց
մեր հրամանատարներից Մայիս Միրզոևին, երկուսս էլ ան-
զեն, ես՝ ֆաղափացիական հագուստով, նա՝ զինվորական:
Մայիսը մնաց դրսում, ես մտա ներս: Նախասրահում նստած
էին մի աղջիկ և մի ավտոմատավոր զինվոր, որ արողին
ննջում էր: Երբ աղջկան ասացի, որ ես ՀԱԲ-ի ֆաղափական

ղեկավարն եմ, պայմանավորվածության համաձայն եկել եմ նիստում մեր հոշակագիրը կարդալու, հայտնեմ ում պետքն է, որ բոլը տան վեր բարձրանամ, ննջող ավտոմատավորը խելոյն սքափվեց, — նրա դեմքը հիմա չեմ հիշում, — հանգիստ նայեց ինձ, աղջիկը հեռախոսով չգիտեմ ում հետ խոսեց և ասաց, որ 10—15 րոպե հետո կարող եմ վեր բարձրանալ: Զինվորականը հարցրեց, թե զենք ունե՞մ, ասացի՝ ոչ, ես ամառային թեթե հագուստով էի, ձեռքիս պայուսակը շատ բարակ էր և չէր կարող զենք տեղավորել: Նա, առանց շոշափելու, բոլը տվեց, որ վեր բարձրանում: Բարձրացա երկրորդ հարկ, նեմասահման բազմաթիվ պատգամավորներ կային: Այդ պահին ուղիղ դիմացից գալիս էր Վազգեն Մանուկյանը՝ շատ մոայլ ու այլայլված: Ես նրան բարեկեցի. շատ կոպիտ ասաց՝ ինչո՞ւ ես եկել, ես էլ թե՛ մեր պայմանավորվածության համաձայն եկել եմ մեր հոշակագիրը կարդալու: Նա ասաց՝ լավ, բայց նախ իջնենք, տեսնենք եղ ինչ կրակոց է: Ես զարմացա. ի՞նչ կրակոցի մասին կարող է խոսք լինել, ընդամենը 3—4 րոպե կլինե՞ր, ինչ ներքինից բարձրացել էի, այնտեղ բան չէի նկատել: Այդուհանդերձ, իջանք՝ նա ինձ քեանցուկ արած: Առաջին հարկի նախասահմանում 10—15 հոգի տաք վիճաբանության մեջ էին: Այդ պահին դրսից ներս էր մտել նաև Մայիս Միրզոբեր: Մինչ հարցուփորձով ուզում էինք պարզել, թե վերջապես ինչ է կատարվել, ով է կրակել, որտեղից, ում թելադրանքով և այլն, ինձ մոտեցավ նակատը սև ժապավեն կապած, ավտոմատը ձեռքին ցածրահասակ մի գինվոր, և դառնալով ինձ, օձիֆս բռնեց ու սպառնալից ասաց. «Ախ, այդ դո՞ւ ես պարոն Վարդանը, ես քեզ հիմա կգնդակահարեմ» և ավտոմատի փողն ուղղեց ինձ վրա: Ես զգացի, որ նրա այդ զայրույթը կարող է ինձ համար նակատագրական ավարտ ունենալ, անմիջապես նրա ավտոմատի փողը բռնելով՝ բարձրացրի վեր և կանխեցի կրակոցը:

Ինչևէ, ես հասկացա, որ ուզում են բոլը չտալ, որ հոշակագիրը կարդամ: Ու Մայիս Միրզոբերի հետ դուրս եկա այդտեղից, գնացի ՀԱԲ-ի գլխավոր ռազմականայան: Քիչ անց այդտեղ եկան նաև Սամսոն Ղազարյանը, Ազատ Արշակյանը, Վազգեն Սարգսյանը, Իգոր Մուրադյանը, էլի ուրիշ պատգամավորներ: Ուզում էին պարզել, թե վերջապես ինչ է կա-

տարվել: Պարզելով ինչն-ինչոց է, Սամսոն Ղազարյանը հե-
ռախոսով կապվեց Բաբկեն Արարիցյանի հետ, դեպքի առնե-
լույթամբ երկար խոսեց: Արարիցյանն ասաց, որ այդ օրը
երեկոյան ժամը 8-ին ես գնամ իր մոտ և տանեմ հոշակա-
գիրը: Այդպես էլ արեցի. իմ տեղակալ էդիկ Գևորգյանի և
Մայիս Միրզոնի հետ գնացի Բ. Արարիցյանի մոտ, ես նրան
տվեցի հոշակագիրը, ասաց՝ «Մանոթ եմ, արի մի փչ էլ
սպասեն, հիմա շատ ենք ծանրաբեռնված, ի վերջո՝ նոր
պետություն ենք ստեղծում, ամեն ինչ սկսում ենք զրոյից,
ուղիղ մի շաբաթ հետո կեստեն, մեխանիզմներ կմշակենք,
թե ինչպես պիտի ՀԱԲ-ը անցնի Գերագույն խորհրդի տրա-
մադրության տակ» և այլն: Այդպես էլ պայմանավորվեցինք,
որ մի շաբաթ հետո իրենք զանգ կտան, մեր Ռազմական
խորհուրդը կգնա ու ամեն ինչ միասին կֆենարկենք: Այդպես
հաշտ ու հանգիստ այդտեղից դուրս եկանք ու դրսում հան-
դիպեցինք Չաուշին՝ իր ջոկատի տղաների հետ: Այդ բոլորին
չմտածեցի, թե նա ինչու է այդտեղ, բայց հետագայում, երբ
այդ ամենը մտովի վերլուծում էի, հասկացա, որ գուցե
Արարիցյանն է կանչել, իր ապահովության համար: Գուցե
սխալվում եմ: Ինչևէ, Չաուշի հետ ողջագործվեցինք, համբուր-
վեցինք, նա ասաց՝ տղաներ, այս ինչ տեղը սեղան եմ գցել,
եկեք միասին գնանք և այսֆան կոիվներից հետո գոնե մի
անգամ մարդավարի միասին հաց ուտենք: Ես մեծ սիրով
կզնայի, բայց, ցավով, արտասահմանցի մի ֆանի կարևոր
մարդկանց հետ պայմանավորություն ունեի այդ ժամերին
ռազմակայանում հանդիպելու, ուստի ասացի՝ Չաուշ չան,
շատ ցավում եմ, ես պիտի գնամ, եթե էդիկն ու Մայիսը
ուզում են՝ թող գան: Մեքենա նստեցի ու գնացի: Հաջորդ օրը
Մայիսը պատմեց, որ շատ լավ ժամանակ են անցկացրել,
ինքն իր ատրճառակը նվիրել է Չաուշին՝ ի նշան մարտական
երաջրության:

Այսպես ուրեմն, մեկ շաբաթ հետո հանդիպելու էինք
Բ. Արարիցյանի, Վ. Սարգսյանի և մյուսների հետ, որ միա-
սին մշակենք ՀԱԲ-ը Գե-ի տրամադրության տակ դնելու հա-
մապատասխան մեխանիզմ: Ինչպես ասում են՝ ուրբաթը շուտ
եկավ, ֆան շաբաթը:

Օգոստոսի 28-ի երեկոյան ժամը 11-ի մոտերից ՀԱԲ-ի

գլխավոր գորակայան են գալիս մեզ ծանոթ մի ֆանի հոգի՝ ծեծված, մեֆենաները վնասված, և պատմում, որ ՀՀՇ-ի մի ջոկատ տերուսնօրիություն է անում 26 կոմիսարների շրջանի այն բենգակայանում, որը մինչ այդ սպասարկում էր հիմնականում ՀԱԲ-ի մեֆենաները: Այդ ժամանակ մենք դեռ գտնվում էինք 26 կոմիսարների շրջանի ԴՕՍԱԱՖ-ի շենֆում և հսկողություն էինք սահմանել այդ բենգակայանի վրա, որպեսզի զանազան անկոչ զինված ջոկատներ բենգինը չկողոպտեն: Բենգակայանի աշխատողները, շրջակայքի բնակչությունը մեզ գիտեին: Եվ անա նրանք պատմում են, որ ՀՀՇ-ականները բենգակայանում կամայականություն են անում, ում ուզում՝ տալիս են, ում չեն ուզում՝ կոպտում, հակաճառողներին ծեծում ու ճամփու են դնում: Այս պատմությունը լսելով՝ ՀԱԲ-ի մի ջոկատ Ռ. Վասիլյանի և Մ. Միրզոևի հետ գնում են՝ տեղում. պարզելու իրավիճակը: Գնում են ու տեսնում ՀՀՇ-ի զինված ջոկատին՝ իր հրամանատարի հետ: Տղաները անմիջապես հայտնում են գալու նպատակը, իսկ նրանք ոչ այս, ոչ այն պատասխանում են, թե՛ չմոտենալ, կերակենք: Միանգամից իրադրությունը սրվում է, բնդհարում է լինում: ՀԱԲ-ի կոիվներում փորձված տղաները արագ զինաթափում են նրանց, որից հետո վերադառնում են գորակայան, հրամանատարները ստուգում են պահակությունը, բարձրանում վեր՝ հանգստանալու... Նույն գիշերը՝ լույս 29-ի առավոտյան կատարվում է ամենադրամատիկականը: ՀԱԲ-ի գլխավոր գորակայանը չորս կողմից սկսում են գնդակոծել ՀՀՇ-ի զինված ջոկատները: Հետագայում թե շրջակա շենֆերի բնակիչները, թե՛ կրակոցների ձայնից այդտեղ եկած մարդիկ վկայել են, որ գորակայանի վրա կրակել են բարձր դիրքից՝ բնակելի շենֆերից, մոտերում գտնվող սպորտդպրոցից, «Էրեբունի» հյուրանոցի տանիքից: Մոտավորապես 45 րոպե է տևել ինտենսիվ կրակը՝ գնդացիներից, կարաբիններից, ավտոմատներից: Որից հետո մեզաֆոնով հրամայել են զենքեր ցած դնել, անզեն դուրս գալ փողոց ու շարվել: Կես ժամ ժամանակ է տրվել, հակառակ դեպքում սպառնացել են հօդս ցնդեցնել գորակայանը:

Այդ պահին ես գորակայանում չէի, տանն էի: Այնտեղ են

գանվել և՛. Վասիլյանը, մեր հատուկ ջոկատը՝ իր հրամանատարով, այն ջոկատը, որն առավոտյան Արցախ պիտի մեկնեւ, զորանոցում հանգստանում էին «Ադանա» ջոկատի զինվորները, հերթապահներն են եղել, մի խոսքով՝ շուրջ 150—200 հոգի: Զորակայանից պատասխանում են, որ ՀԱԲ-ը ամեն պատահական կարգադրությամբ չի զինաթափվի, որ խորհրդարանի հետ պայմանավորվածություն ունեն մեկ շաբաթ հետո ընդհանուր դիրհորոշում մշակելու, ՀԱԲ-ը ԳԽ-ի տրամադրության տակ ղենելու վերաբերյալ: Այս լսելով, ևս 15 րոպեի շափ կրակում են ու հեռանում: Եթե ~ զորակայանից անխոհեմություն թույլ տրվեր պատասխան կրակ բացելու, և ճրանք էլ կատարեին շտաբը պայթեցնելու իրենց սպառնալիքը, ապա Երևանի կենտրոնը կենթրակվեր մեծագույն աղետի, քանի որ, գաղտնիք չէ, ՀԱԲ-ի զորակայանում մեծ քանակությամբ պայթուցիկ զինամթերք կար:

Իսկ առավոտյան լուր է տարածվում, թե իբր պատգամավորներ են գնացել ՀԱԲ-ի հետ բանակցելու, իսկ ահա նրանք կրակ են բացել և սպանել երկու հոգու՝ Գեղազնիկ Միքայելյանին՝ Չաուշին, որ մեր զինակիցն էր, սասունցի մարտիկ, և պատգամավոր Վիտյա Այվազյանին: Վիտյան իմ հարևանն էր, մենք քաղաքական հարցերում թեև տարբեր հայացքներ ունեինք, բայց դա երբեք պատճառ չէր կարող լինել անձնական հակակրակի կամ թշնամության: Չաուշին ես անձամբ շատ լավ նանաշում էի Կոնիքձորի կոիվներից, տեսել էի, քեզ ինչ ֆաշոյությամբ է կովել, մեր ու նրա ջոկատները բազմաթիվ կոիվներում միասին են եղել, իրար օգնել են զենք ու զինամթերքով, նեղ վիճակներից հանել: Ուզում եմ ասել, որ մերոնց ու նրա միջև թշնամության նշույլ անգամ լինել չէր կարող: Նրանց մահը շատ ցավալի էր բոլորիս համար:

Ինչ մնում է բանակցություն վարելու հորինվածքին, ապա սրափ տրամաբանության տեր ամեն մարդ կհասկանա, որ առանց նախապես զգուշացնելու, զինված ջոկատներով, գիշերվա կեսին բանակցելու չեն գնում զինված պահակախմբեր ունեցող զորակայան, այն էլ՝ տարբեր կողմերից: Ես պրնդում եմ, որ բանակցության մասին նախապես որևէ խոսք չի եղել:

Ի դեպ, հենց այդ օրը խորհրդային բանակի ջոկատները

գրահամեմեմաներով ու տանկերով օդակեցին մեր զորակայանը: Պարզ է, որ մեր դեմ լուրջ ֆայլ էր ձեռնարկվում: Այսուամենայնիվ մեր զինվորներին զգուշացրեցին և կրակոցներին չպատասխանել:

Ասեմ, որ երբ հրապարակվեց ապօրինի զինված խմբավորումները զինաթափելու վերաբերյալ Գորբաչովի հայտնի հրամանագիրը, մենք հասկացանք, որ դա ուղղված է միայն ու միայն Հայաստանի, մասնավորապես ՀԱԲ-ի դեմ: Համոզված էինք, որ դրա նպատակը հայ ժողովրդին զինաթափելն է, աղբյուրապես զինված բանդաների դեմ անգնելը թողնելը:

Առավոտ կանուխ, երբ ինձ հայտնեցին գիշերվա անցուդարձի մասին, իմ առաջին միտքը եղավ զանգահարել մեր նշանավոր մտավորականներին, որ անձամբ խոսեն Լ. Տեր-Պետրոսյանի հետ, հայտնեն բանակցության սեղանի շուրջ նստելու մեր ցանկությունը, թեև, ինչպես արդեն ասել եմ, մեկ շաբաթ հետո հանդիպելու պայմանավորվածություն արդեն կար: Առաջինը զանգահարեցի Հրանտ Մաթևոսյանին: Ինչո՞ւ հատկապես նրան: Բանն այն է, որ դեռ Նոյեմբերյանի կոփվների օրերին, շուրջ տասը օր առաջ, ես նրան հանդիպել էի շրջլոմի ֆարտուղարի աշխատասենյակում, և որովհետև իր աչիով էր տեսել, թե մեր տղաներն ինչպես են կրավում, նա ինձ շնորհակալություն հայտնեց, իր հիացմունքն արտահայտեց, որ ֆիզիկական ոգին մեր ժողովրդի մեջ արթնացել է... Ասաց. «Վարդան, արի մի բռնվելով առանձնանա՞նք»: Մենք մի կողմ ֆաշիստներին, և Հրանտը հարցրեց. «Իսկ ի՞նչ լուրջ տարածայնություններ կան ձեր ու ՀՀԴ-ի միջև. ես շատ վատ բաներ եմ լսել ու վատ բաների եմ սպասում»: Ասացի՝ «Հրանտ ջան, ես սիրով ֆեզ հետ այդ մասին հանգամանորեն կխոսեի, բայց այսօր պարզապես ժամանակ չկա, միայն իմացիր, որ մենք մտադրություն չունենք առնականության գնալու, կան որոշ ուժեր, որոնք ուզում են մեզ անպայման իրար դեմ հանել»: Հրանտը թե՛ ես կուզենայի կամուրջ դառնալ ձեր միջև: Ես նրան ասացի՝ սիրով, ֆեզ նման հեղինակավոր մարդը եթե հանձն է առնում՝ խնդրեմ: Դու ազգի ցավով տառապող մարդ ես, կնստենեմ, դու էլ կլսես ու կհամոզվես՝ հնարավո՞ր է հաշտության եզրեր գտնել մեր երկու կազմակերպությունների միջև, թե ոչ:

Պայմանավորվեցին՝ Երևանում հանդիպել:

Եվ ահա առաջինը զանգահարեցի Հրանտին ու ասացի՝ սրանից օրհասական պահ չի լինելու, արի խոստումդ կատարիր: Նրան շատ կարճ պատմեցի գիշերվա դեպքի մասին: Ասացի, որ նորից կզանգեմ: Կես ժամ անց Հրանտը հայտնեց, որ անձամբ խոսել է Լ. Տեր-Պետրոսյանի հետ, նա կտրուկ մերժել է բանակցել... Հետագայում ես շատերից լսեցի ՀԱԲ-ը բնաշնչելու մասին Լ. Տեր-Պետրոսյանի կտրուկ դիրքորոշման մասին:

Այդ պատասխանից հետո ես զանգահարեցի ուրիշ մտավորականների էլ. ոմանք դժկամությամբ, ոմանք էլ անգոր՝ հրաժարվեցին որևէ կոնկրետ ֆայլ անելուց:

Տնից դուրս եկա ու գնացի ՀԱԲ-ի գորակայան. հարկավոր էր առնակատման չզնալու հոգեբանական մթնոլորտ ստեղծել: Արդեն հրապարակվել էր ՀԱԲ-ը լուծարելու վերաբերյալ խորհրդարանի որոշումը, մարդիկ խմբերով գալիս էին գորակայան, որպեսզի խնդրելով է, թե համոզելով՝ մեզ հասկացնեին, որ խուսափենք արյունահեղությունից: Մենք բոլորին հանգստացնում էինք, որ նման բան չենք անի, ֆանի որ մեր երդումը եղել է հայրենիքի պաշտպանությունը, այլ ոչ թե ֆաղաֆացիական կոիվ մղելը:

Օրն անձրևոտ էր: Ժողովուրդը դրսում կանգնած սպասում էր, որ լուծարվելու վերաբերյալ մեր որոշումը հասցնենք խորհրդարան: Հրավիրվեց Ռազմական խորհրդի նիստ: Մայրահեղ լարված պահ էր, շատերս գիտակցում էինք, որ ՀԱԲ-ը պիտի լուծարվի: Ռազմական խորհրդում կային մարդիկ, որոնք իրենց կյանքի գնով իրենց զինվորների հետ միասին գնեմ ու զինամթերք էին ձեռք բերել, բազմաթիվ կոիվներ էին մղել, տուն-տեղ թողած՝ անշահախնդրորեն ծառայում էին հայրենիքին. հենց նրանք էլ չէին ուզում լուծարվել: Սակայն, ի պատիվ Ռազմական խորհրդի, այդ առաջարկը իսկույն մերժվեց: Առաջարկություն եղավ նաև բոլոր զինված ջոկատները փոխադրել Արցախ կամ սահմանամերձ գոտի: Բոլոր առաջարկներն առանձին-առանձին փնտրվեցին: Նախ ակնբախ էր, որ առնակատման դեպքում (եթե անգամ անտեսելու լինեինք, որ դա մեր ծրագրին հակասում է) գործ էինք ունենալու ոչ միայն ՀՀԾ-ի զինված ջոկատների, այլև խորհրդային բա-

նակի հետ: Մենք լուր ունեինք, որ մոտակա շենքերում ռուս զինվորների զինված ջոկատներ են տեղակայված և սպասում են հարմար պահի: Մեր զորակայանն արդեն իսկ օղակված էր: Իսկ թե այն օրերին ինչ էր նշանակում Երևանի կենտրոնում կռվել խորհրդային բանակի դեմ՝ պարզ է: Կրկնվելու էր Քաֆի, Քրիլիսիի սցենարը, հազարներով խաղաղ բնակիչներ կզոհվեին, ավերածություններ կլինեին... Մենք կարծանա՝ նայինք մեր ժողորդի պարսավանքին ու անեծքին, և նրա մոտով այլևս չէր անցնի ծնել մի նոր ազգային բանակ, ինչ երաշխիք, որ նորածինը ավելի խելահաս ու խոհեմ կլինի: Ուրեմն՝ առնակատուժը բացառվում էր: Այնուհետև. ՀԱՌ-ի հսկայական ուժերը Արցախ տեղափոխելու համար պահանջվում էր մի ֆանի օրվա նախապատրաստական աշխատանք: Մենք համոզված էինք նաև, որ նեղֆելու փորձ անելու դեպքում մեզ անպայման կմատնեն, և խորհրդային բանակը կես հանապարհին կոչնչացնեն մեր ողջ զորուժը: Երրորդ առաջարկը Հայաստանի սահմանի վրա համախմբվելն էր: Արդեն կես տարուց ավել էր՝ խորհրդային զորամիավորումները տեղափոխվել էին հայկական սահման և զինաթափում էին հայ մարտիկներին, նույնիսկ գյուղացիներին, որոնք որսորդական հրացանով իրենց անասունն ու հողամասն էին պաշտպանում: Սա հայտնի փաստ է: Մենք նաև լուր ունեինք, որ մեզ զինաթափելու նպատակով Հոկտեմբերյանում կենտրոնացված է ֆիմիական զենքի մի տեսակ, որը կարող է երկու ժամվա ընթացքում ոչնչացնել մարդկային կուտակումները (տվյալ դեպքում՝ մեզ), առանց վնաս պատճառելու շրջակա միջավայրին: Ուրեմն կարող էին այդ զենքը մեր դեմ կիրառել, երկու ժամ հետո բոլորիս դիակները հավաքել ու այնպես ոչնչացնել, որ որևէ հետք չմնար: Այս բանը մեզ հայտնի էր: Ուրեմն՝ սահման տեղափոխվելն էլ, այդպիսով, նպատակահարմար չգտանք: Ամենախոհեմը, ամենանիշտն այն էր, որ, համաձայն մեր հռչակագրի, ռազմական ողջ ուժը դրվի խորհրդարանի տրամադրության տակ, թող ժողովուրդն իմանա, որ այսուհետև պետությունն ինքն է պատասխանատու մեր հայրենիքի պաշտպանության համար:

Այս վերջին առաջարկն ընդունվեց բոլորիս կողմից: Ինձ հանձնարարվեց Գի նախագահության առաջ հանդես գալ ու

հայտարարություն անել ՀԱԲ-ի ինֆեալուծարման վերաբերյալ:

Ես գնացի Գերագույն խորհուրդ, մտա Լ. Տեր-Պետրոսյանի մոտ, այնտեղ էին Վ. Մանուկյանը, Բ. Արարիցյանը, Վ. Սարգսյանը և ուրիշներ: Իմ հայտարարությունը դիմավորեցին բմբռնաբանով: Վազգեն Սարգսյանը նույնիսկ ինձ գրկեց, համբուրեց, ասելով՝ «Մատաղ ունեմ անելու, որ ամեն ինչ այսպես անարյուն վերջացավ»: Խոսվեց նաև այն մասին, որ հանձնաժողով կստեղծվի պահեստները, զինամթերքը, ջոկատները հանձնելու նպատակով:

Վերադարձա զորակայան, ինձ հետ միասին եկան նաև Բ. Արարիցյանը, ՊԱԿ-ի նախագահ Բաղամյանցը, նրա հատուկ ջոկատի հրամանատար Հրաչիկ Հարությունյանն իր ջոկատով: Միասին հասանք տեղ: Մեզ հետ էին նաև պատգամավորներ Իգոր Մուրադյանը, Ազատ Արշակյանը, էլի ուրիշներ, որոնք պիտի օգնեին զենքը զորակայանից փոխադրելու: Ինչ որ հնարավոր էր՝ ձեռնով հանեցին, մեքենաներում տեղավորեցին: Երբ ամեն ինչ վերջացրինք, դուրս եկանք փողոց, Բաղամյանցն ասաց՝ պարոն Վարդան, ամեն ինչ կարգադրված է, դուք կարող եք գնալ ձեր տները:

Ես, Ռազմիկ Վասիլյանը և մեր ֆարտուղարունին նստեցինք Իգոր Մուրադյանի մեքենան և պատրաստվում էինք տարածքից հեռանալ: Մեր մյուս հրամանատարները և զինվորները նույնպես առանց զենքի հեռանում էին: Այդպես էր հրամայված: Զորակայանի մոտ պահակություն անող ջոկատը ևս պիտի գար, զենքը հանձնեի ու հեռանար:

Երբ հասանք «Երևան» կինոթատրոնի մոտ, ՀՀՇ-ի զինված տղաները կանգնեցրին մեր մեքենան, ասելով՝ սպասեք, մինչև հրաման ունենանք ձեզ բաց թողնելու մասին: Երկու ժամ սպասելուց հետո մոտեցավ Երևանի միլիցիայի վարչության պետ Աթաբեկյանն ու ինձ դիմելով ասաց. «Պարոն Վարդան, խնդրում եմ մեքենայից դուրս գալ, Լ. Տեր-Պետրոսյանը մի 10—15 րոպեով զրույց ունի ձեզ հետ»: Դուրս եկա, նրա հետ միասին մտանք կառավարական շենք: Նա ինձ թևանցուկ արած, մտերմաբար զրուցելով առաջնորդեց միջանցքից միջանցք, հարկից հարկ, տարավ-հասցրեց մի շքեղ, բնդարձակ դահլիճ և խնդրեց սպասել, մինչև որ հրավիր-

րեն ներս: Երբ նա դուրս եկավ, դահլիճի բոլոր դռները բացվեցին (մի փանի կողմից դռներ կային) և ներս մտան ավտոմատներով զինված մարդիկ՝ հինգ, տասը, քսան թե փանի հոգի... Մեկը մոտեցավ, պատումանները փակեց: Ես հասկացա, թե ինչ է կատարվում: Ես որոգայթի մեջ էի և լուր չունեի, թե մյուսներն ինչ վիճակում են:

Արդեն բավական ժամանակ էր անցել, երբ եկան Լ. Տեր-Պետրոսյանը, Վ. Մանուկյանը: Նրանք ինձ առաջարկեցին հեռուստատեսությամբ հանդես գալ և ասել, այն, ինչ արդեն ասել էի Գև Նախագահության առաջ: Հոգու խոռովով և արտափին սառնասրտությամբ տեսախցիկի առաջ հայտարարեցի, որ ՀԱԲ-ը լուծարվում է, իր զինված ուժերը դնում է խորհրդարանի տրամադրության տակ, ովքեր կուզենան ծառայել հայրենիքին՝ կարող են դիմել խորհրդարանի գորամիաշվորումների հրամանատարությանը, իսկ ովքեր ուզում են վերադառնալ խաղաղ աշխատանքի՝ թող գնան իրենց տները: Այսփանը:

Մի ամբողջ օր մնացի այդ դահլիճում, ավտոմատավորներով շրջապատված: Նրանք խոսում էին տարբեր թեմաներով, երկուսը հատկապես շատ ագրեսիվ էին տրամադրած ՀԱԲ-ի և նրա ղեկավարների հանդեպ: Նրանցից մեկը շատ ցավում էր, որ հրամայված է եղել մեզ կենդանի բերել, թե չէ՝ նենց իր նախաձեռնությամբ ինձ հնարավորություն կտար փախչելու և հեռվից կգնդակահարեր:

Հաջորդ օրը ժամը 5-ի մոտերից ավտոմատավորներն ինձ հանեցին դուրս. պարզվեց, որ կողֆի սրահում էին Ռազմիկ Վասիլյանը, մեր հատուկ շոկատի հրամանատար Համլետ Մկրտչյանը, Հյուսիսային զինված ուժերի հրամանատար Մայիս Միրզոևը, որը հետագայում ինձ հետ դատվեց նույն գործով: Իջեցրին ներքև, որտեղ էլի ուրիշ ձեռքակալվածներ կային, չորս-չորս խցկեցին զրահամեքենաները, որոնց ուստանկիստների կողմից նստած էին ՀՀԴ-ի զինվորները:

Մեզ փաղափից դուրս հանեցին, հասցրին Մովսեսյանի բանտ, գցեցին ֆենչական մեկուսարան, որտեղ մնացինք երեք օր: Դեռ հոգված չկար, կար ընդամենը ձեռքակալելու արտոնագիր: Արագորեն մի հոգված թխվեց, որով մենք, որպես բանդիտներ, պիտի հարցաֆնեմք:

Քննիչը ինձ մասնավորապես հարցնում էր, թե ինչ կա-
ռուցվածք ունեւ ՀԱԲ-ը, որտեղ են տեղակայված նամբար-
ները, որքան զինված մարդ կար, ինչպիսի ֆաղափական աշ-
խատանք էինք տանում և այլն: Ես էլ ամեն ինչի պատասխա-
նում էի անկեղծորեն, քանի որ բախցնելու ոչինչ չկար: Մենք
կամավորական բանակ էինք, մեր նպատակները հրապարակ-
ներում էինք հայտնել, ի՞նչ ունեինք բախցնելու: Ինձ ներկա-
յացված բոլոր մեղադրանքներին պատասխանեցի, որ ինձ
հանցավոր չեմ նանաչում: Եթե հայրենիքի պաշտպանությունը
հանցագործություն է՝ պատժեք, բայց, որքան զիտեմ, մինչև
օրս աշխարհում դեռ այդպիսի հոգված չի եղել, չկա:

Մի երկու օր անց պարզվեց, որ դատախազությունում
բանդիտիզմի հոգվածը վիճարկվել է, քննիչները պատվիրա-
տուին հասկացրել էին, որ այդ հոգվածը իմ դեմ չի գործի, և
մոգոնվեցին երեք նոր հոգվածներ՝ 222-րդ հոգվածի երրորդ
մասը՝ առանձնապես չարամիտ խուլիգանության համար
(վկայակոչվում էր օգոստոսի 25-ին Գերագույն խորհրդի վրա
զինված «հարձակումը»), 232-րդ հոգվածը, որով մեղադրվում
էի ապօրինի զենք կրելու համար, թեև ինձ մոտ զենք չկար,
զինվորական պայուսակիս մեջ գտել էին ՀԱԲ-ի՝ զենք կրելու
վկայականը, որով ինձ տրված էր «Կալաշնիկով» մակնիշի
ավտոմատ և «Մակարով» մակնիշի ատրճանակ:

Երրորդ՝ 206-րդ հոգվածի երրորդ մասով մեղադրվում էի
զենքի ուժով հասարակական կարգը խանգարելու համար:
Հետ դառնալով պատմեմ, թե դրա տակ ինչ էր նկատի առնը-
վում: 1990 թվականի մայիսի 4-ին ՀՀԿ-ի և ֆաղափական այլ
կազմակերպությունների ղեկավարներ հավաքվել էին՝ առա-
ջիկա ընտրությունները հետաձգելու նպատակով: Նրանք
ՀԱԲ-ից հրավիրեցին ինձ: Ընտրությունները գոնե վեց ամսով
հետաձգելու դեպքում հնարավորություն կտրվեր ֆաղափական
մյուս կուսակցություններին իրենց թեկնածուներին առաջա-
դրելու, ֆարգչական աշխատանք կատարելու, այլապես աս-
պարեզում միայն կոմկուսն ու ՀՀԾ-ն էին, որոնք հեռուստա-
տեսությունը, մամուլը, լրատվության մյուս բոլոր միջոցները
օգտագործում էին իրենց թեկնածուներին պրոպագանդելու
համար: Եվ որպեսզի Հայաստանի կոմկուսի առաջին ֆար-

տողար Վլ. Մովսիսյանի ուշադրությունը գրավեին, այդ ընկերները որոշել էին մի «անմեղ» ֆայլի դիմել, այսպես ասած՝ պատանդ վերցնել Երևանի ֆաղկոմի շենքեր:

Այս որոշումը հեռախոսով հայտնվեց ֆաղկոմի երկրորդ ֆարտուղար Վլ. Աղայանին: Նա մեզ հրավիրեց իր մոտ և այդ մասին հեռախոսով հայտնեց կոմկուսի Կենտկոմի ֆարտուղարին: Եվ որպեսզի ավելորդ աղմուկ չլիներ, նա ներքին կարգով կարգադրեց աշխատողներին շենքից հեռանալ: Սա էր ամբողջը:

Ես ինձ հարցաֆննող ֆենիչին (ազգանունը Շահվերդյան էր), այնուհետև նաև դատարանում ասացի, որ եթե չորս ժամով կոմունիստներին աշխատելու հնարավորությունից զրկելու համար պատիժ եմ սահմանում, ապա այդ դեպքում ինչ պատիժ է հասնում ամբողջ ՀՀՇ-ին, որը գլխավորեց բազմաթիվ ցույցեր, հանրահավաքներ, օրերով, շաբաթներով, ամիսներով խափանեց ոչ միայն Երևանի, այլև հանրապետության մյուս ֆաղաֆների ու շրջանների կյանքը, տրանսպորտի աշխատանքը, Կենտկոմի, ֆաղկոմների ու շրջկոմների գործունեությունը, համազգային գործադուլ կազմակերպեց, երկու անգամ շրջափակեց «Զվարթնոց» օդանավակայանը, փակեց արդյունաբերական խոշոր ձեռնարկությունները, հետագայում նաև՝ «Նաիրիտն» ու ատոմակայանը, միլիարդների վնաս հասցնելով ողջ հանրապետությանը...

Դառնալով հարցաֆննության ընթացքին, համոզված ասում եմ, որ ո՛չ ֆենիչը, ո՛չ դատավորն ու դատախազը, ո՛չ էլ ժողովրդական տեսնակալները ամենևին չէին էլ կասկածել, թե ես խուլիգան եմ կամ ապօրինի է եղել իմ գործունեությունը: Նրանք շատ բարյացակամ էին իմ հանդեպ, ինձ ֆրեական հանցագործի տեղ չէին դնում ամենևին: Սակայն...

Հարցաֆննությունն սկսվեց սեպտեմբերի 3-ից և ընդմիջումներով շարունակվեց մինչև նոյեմբերի վերջը, ընդ որում՝ հողվածներից մեկը դրվեց վերջին պահին և ահա թե ինչու. պատգամավորության թեկնածու առաջադրվելու կապակցությամբ Ռ. Վասիլյանին թույլ էին տվել, խափանման ձևը փոխելով, ապրել իր տանը և զբաղվել ընտրարշավով: Այդ ընթացքում նա հարցազրույց ունեցավ կարծեմ «Եղիցի լույս» թերթի աշխատակցի հետ և փորձեց մեր նկատմամբ արվածի

մի ֆանի փակագծերը բացել: Մեզ նորից տարան հարցաքննության և ինձ վրա բարդվեց նշված հոդվածի երրորդ մասը: Իմ դեմ միտումնավոր ցուցմունքներ տվեցին մարդիկ, որոնց երեսը տեսած չկայի, ավելի ճիշտ՝ միայն մեկին էի հիշում՝ այն ավտոմատավորին, որը Գեո ճիստերի շենքում օգոստոսի 25-ին ուզում էր կրակել ինձ վրա:

Ինչևէ, այդ շորսի ցուցմունքներից հետո հասկացա, որ իմ դեմ իսկապես ուզում են գործ սարքել. մինչ այդ վստահ էի, որ ֆենիչն իմ ցուցմունքներից համոզվել էր, թե ես ոչ հանցագործ, ոչ էլ որևէ մեղքի տեր եմ: Եվ երբ տարակուսանքս հայտնեցի, նա ուսերը թոթվեց ու մեղավորի նման ասաց. «Ինչ է, չգիտե՞մ, որ կարգադրություն կա»:

Ինձ տարան «իմ» խուցը, ուր, ի դեպ, 12 հոգով էինք: Աշխարհում, թեևս, այդպիսի անմարդկային բանտախուց չգտնվի, և ամեն մարդ ինչ-որ ձևով պիտի տեսնի, անցնի այդ կյանքի միջով, դա շատ ուսանելի է... Ես մտածում էի՝ եթե հիմա, երբ դեմոկրատիայի ինչ-որ շորշոփներ են զգացվում, մարդկանց պահում են այսպիսի պայմաններում, ապա ինչ պայմաններում են իրենց դժնի օրերն անցկացրել 37 քվակա-նի հարյուր հազարավոր անմեղ զոհերը: Ուզում եմ նշել նաև, որ կալանավորները եզակի մի դեպք անգամ չէին հիշում, երբ որևէ դատավոր, դատախազ մտած լիներ այդ կալանավայրերը, իր աչքով տեսած լինե՞ր այդ ամենը: Մտեն՝ նախ-ֆան իր դատավճռի արձակումը: Մենք ունենք բազմաթիվ իրավագետներ, որոնք այդ աշխարհի հետ անձնական որևէ շփում չեն ունեցել. մինչդեռ հարկ էր գտնե՞ր ուսման տարիներին, գտնե՞ մեկ անգամ սեփական աչքով տեսնել այդ ամենը: Պատկերացրե՛ք մի գրողի, որը, առանց կյանքի հետ որևէ ծանոթության, նստի ու գիրք գրի իր չիմացած բաների մասին... Դեռ բանտում գտնվելու ժամանակ մտածում էի հոդված գրել, թե ինչպես են խորտակվում հոգիները, ինչպես են պատահակա-նորեն հանցագործ դարձած տասնյակ հարյուրավոր մարդիկ բանտում դառնում պրոֆեսիոնալ հանցագործներ, ինչպես է մարդը իր ֆիզիկական գոյությունը պահպանելու համար հազարավոր անմարդկային, ստոր ձևերով տրորում իր արժանա-պատվությունը, կորցնում ինֆանսիությունն ու պատիվը:

... Մեղադրանքները ներկայացվում էին ոչ թե ամբողջ ՀԱԲ-ին, այլ առանձին մարդկանց, 3—4 հոգու: Այդպես մասնատել էին, որպեսզի հեշտ լինե՞ր հաշվեհարդար տեսնելը և մեծ աղմուկ չառաջանար դրսում: Եթե ամբողջ ՀԱԲ-ը դատվե՞ր՝ դա ուրիշ արձագանք կունենար, իսկ երբ առանձին անհատներ են մեղադրվում «սեփական» արարքների համար՝ տպավորությունը միանգամայն այլ է: Սա կանխավ մտածված էր:

Ասեմ, սակայն, որ ժամանակ առ ժամանակ տարբեր ուղիներով մեր ականջին էին հասցնում, թե՛ մեզ պարզապես ժամանակավոր մեկուսացրել են, մինչև որ հանրապետությունում փաղափական վիճակը կայունանա, Մոսկվան համոզվի, որ ՀԱԲ-ը զինաթափված է, նրա պարագլուխները մեկուսացված են... և որոշ ժամանակ անց մեզ առանց դատի ազատ են արձակելու: Բայց ամիսներն անցնում էին, գործը տեղից չէր շարժվում: Եվ ահա 1991 թ. հունվարին, հինգ ամիս նստելուց հետո, որոշեցին՞ դիմում գրել Հայաստանի գլխավոր դատախազին ու հայտնել մեր բողոքը, որ մեզ ձերբակալել են ապօրինի, մենք հանցագործ չենք և պահանջում ենք ազատ արձակել: Մենք նաև պատրաստակամություն էինք հայտնում ծառայել ստեղծված երկրապահ ջոկատներում, այն բոլոր կառույցներում, որտեղ մեր կարիքը կգտանք, այլապես ստիպված կլինեմք դիմել ծայրահեղ միջոցի: Այս արտահայտության միտքը չէինք պարզել. թող մեկը մտածե՞ր, թե մեզ կկախենե՞ք, մյուսը՝ ինչ որ կամենա: Մեր նամակն ընթերցողները եզրակացնում են, որ մեր այդ արտահայտության տակ բաժնված է ՀԱԲ-ի դեռևս չլուծարված ուժերի միջոցով Հայաստանում ապստամբություն կազմակերպելու սպառնալիք: Եվ ահա ինձ, Ռազմիկ Վասիլյանին և մեր հատուկ ջոկատի հրամանատար Համլետ Մկրտչյանին կանչում են բանտապետի մոտ. նման դեպքերում, սովորաբար, միջոց է տրվում մարդավարի հագնվելու, իսկ այդ անգամ թույլ չտվեցին անգամ կոշիկներս, զինվորական հագուստներս հագնել: Կիսատ պոստ հագնված գնացի բանտապետի մոտ, չիմանալով, որ Ռ. Վասիլյանն ու Հ. Մկրտչյանն արդեն այնտեղ են: Մեզ ներկայացավ մի մարդ ու ասաց, որ դատախազության ներկայացուցիչն է, հայտնեց, որ մեր նամակը տեղ է հասել, և հան-

րապետության դատախազ Ա. Գեորգյանն ուզում է դիմումի կապակցությամբ մի կես ժամվա զրույց ունենալ մեզ հետ:

Մենք ասացինք՝ դեմ չենք, բարձրանանք վերև, մարդավարի հագնվենք ու գանք, նա թե՛ կարիք չկա, այդպես էլ վատ չէ, մի կես ժամից հետ եք գալու:

Մենք դուրս եկանք, ինձ ու Համկետին նստեցրին մի «Վիլիս», Ռազմիկին՝ մեկ այլ, ավտոմատավորները փայ նստեցին մեր երկու կողմերում և ուղեկցող ավտոմեքենաներով բերեցին Երևան: Ճանապարհից հասկացա, որ մեզ տանում են ոչ թե դատախազություն, այլ, ամենայն հավանականությամբ, ՊԱԿ-ի մեկուսարան: Այդպես էլ եղավ: Մեզ առանձին-առանձին իջեցրին ՊԱԿ-ի բակում, մտցրին խցիկը, ու ես ընկերներիս այլևս չտեսա: Սկզբում ինձ տարան, հետո՝ նրանց: Խցիկում ռափից-գլուխ ստուգեցին և համոզվելով, որ կասկածելի ոչինչ չկա ինձ մոտ, մի ժամից հետո տարան բանտախոց, ուր մի կալանավոր կար: «Հայ դատի» ջոկատից էր, մասնակցել էր բոլոր կոիվներին, համագործակցելով ՀԱԲ-ի հրամանատարների ու գինվորների հետ:

... ՊԱԿ-ի բանտախցում մնացի 91 թ. հունվարի 30-ից մինչև ապրիլի 26-ը: Բերդապետն իր առանձնասենյակում մի կարն զրույց ունեցավ ինձ հետ, մեծ հարգանքով ինձ վերաբերվելով, ասաց՝ նկատի ունեցեք, որ մենք այստեղ հյուրանոցի դեր ենք կատարում, ձեր նկատմամբ կլինի բարյացակամություն, բանտի կանոնադրությունը կարդացեք, որ ավելորդ որևէ ֆայլ չանեք, իմանաք ինչ կարելի է, ինչ չի կարելի, և այլն: Իմացա, որ ամսական տասը ռուբլու մթերք կարող եմ ձեռք բերել մեկուսարանի խանութից: Խանութի երեսը չէի տեսնում, ասում էին՝ ինչ կա, ու ես պատվիրում էի: Իսկ եղածը շաֆար էր, կարագ, հաց, թխվածք ու ծխախոտ: Կարող եմ ասել, որ ՊԱԿ-ի մեկուսարանում ավելի շատ կարագ ու շաֆար եմ կերել, քան անցած ամբողջ կյանքումս: Այդտեղ հաշերը բավական որակով էին, որովհետև իրենք՝ ծառայողներն էին եփում, որպեսզի ավելորդ մարդիկ շփում չունենային կալանավորների հետ: Անկողինը մաքուր էր, շաքարական մի անգամ փոխում էին, շաքարը մի անգամ բաղնիք էին տանում: Հեռուստացույց, ռադիո չկար, արտաքին աշխարհի հետ

կապողը միայն թերթերն էին, հիմնականում կենտրոնական, հետագայում նաև հանրապետական թերթեր էին տալիս:

Որոշ ժամանակ անց բերդապետին ուղղված բողոքի նամակ գրեցի, որ ահա 6—7 ամիս է՝ նախնական կալանքի մեջ եմ, չգիտեմ՝ մեղքս ինչ է և պահանջում եմ մեղադրականը ներկայացնել: Մի շաբաթ չանցած՝ մեղադրականը ներկայացրին. ես մեղադրվում էի ֆրեական օրենսգրքի երեք հոդված-ներով, նշված էր նաև, որ ես ինձ մեղավոր չեմ ճանաչում:

Մեղադրականի առիթով պարոն Սադոյանի հետ զրուցելու ժամանակ (նա հիմա բոշակի է անցել, և ես կարող եմ նրա խոսքերը մեջբերել) ասաց՝ «Պարոն Վարդան, մենք գիտենք, թե դուք ինչ եք արել և ինչի համար եք նստած, մի բան որոշակի է՝ կամ դուք պիտի լինեիք այստեղ, կամ ձեզ նստեցնողները: Այնպես որ՝ մենք ոչ մի մեղք չունենք: Դուք հարգված մարդ եք մեր կողմից, ես լրիվ ծանոթ եմ ձեր մեղադրականին, հորինովի բան է՝ սրտին մոտ մի ընդունեք, մի ընկրկեք» և այլն: Ասացի՝ որ ընկնվող մարդ լինեի, այս տարիքում գենք չէի առնի ձեռքս, կշարունակեի զբաղվել արվեստով, իմ հինգ թոռներով...

Իմ մեղադրականի մեջ հանցակազմ գոյություն չունեւ. այդպես կարելի էր մեղադրել շարժմանը մասնակցած ցանկացած մեկին: Ինձ համար մի ավելորդ անգամ պարզ դարձավ, որ այդ ամենը փողափական հաշվեհարդար է մի մարդու հանդեպ, որը չի ընդունում ՀՀՇ-ի գաղափարախոսությունը, նրա պայքարի ձևերն ու տակտիկան: Եվ ահա ինձ ու ՀԱԲ-ի մյուս ղեկավարների հետ հաշվեհարդար է տեսնվում, որ մեկուսացվի նաև բանակը, որն արդեն հոչակ էր վայելում Հայաստանում ու նրա սահմաններից դուրս: Միաժամանակ ազգին տրամադրում էր ՀԱԲ-ի գաղափարախոսության, այսինքն՝ ինքնապաշտպանության նպատակով ուժեղ կառույցներ ստեղծելու դեմ: Միևնույն ժամանակ էլ ՀԱԲ-ը սխալներ ունենար, — իսկ ես այն մարդը չեմ, որ ինձ կամ այն, ինչ որ մենք ստեղծել էինք, անսխալական համարեմ, — նոր ստեղծված իշխանությունը, եթե այն իսկապես շարժման ծնունդն էր, իր զավակին չպետք է լափեր, այլ պիտի սրտացավությամբ զբաղվեր նրա արմատական վերակառուցման խրնդիրներով: ՀԱԲ-ը փողափական որևէ նկրտում չունեւ բառիս

բուն իմաստով. դա արտահայտվեց նրանով, որ մենք ոչ միայն
փաղափական որևէ գործողություն չկատարեցինք թե կոմու-
նիստների, թե ՀՀՇ-ի դեմ, այլև այն բանում, որ նույնիսկ
պատգամավորական թեկնածուներ չառաջադրեցինք: ՀԱՅ-ի
համակիր մարդիկ շատ են մեղադրել մեզ այն բանի համար,
որ մենք ընտրությունների նախօրյակին այնքան հեղինակու-
թյուն ունեինք, որ կարող էինք տասը թեկնածու առաջադրել
և խորհրդարանում բավական տեղեր ունենալ, ինչը որ չարե-
ցինք: Այդպես անելու դեպքում, իբր, բույլ չէինք տա, որ
ՀԱՅ-ը լուծարվի, ընդհակառակը, կվերակառուցվեր ու կդառ-
նար իսկական ազգային բանակ: Ես պիտի սառը ջուր լցնեմ
այդպես մտածողների վրա, որովհետև այն ժամանակ էլ, հի-
մա էլ, գտնում եմ, որ ՀԱՅ-ը, ինչպես Համլետը կասեր, եթե
անգամ արևի պես անբիծ լիներ ու ձյան պես մաքուր,
միևնույն է, նրա վրա բծեր կգտնեին: Ամեն ինչ արվելու էր,
որպեսզի ՀԱՅ-ը վարկաբեկվի ու լուծարվի: Հիշեցնեմ Սիմոն
Վրացյանին գրած Ավետիք Իսահակյանի նամակը, որտեղ
բանաստեղծը ռուս-թուրք-հրեա եռանկյունին դիտում էր
որպես հայ ժողովրդի բնաջնջմանը հետամուտ մի ալյանս...
որը, իմ կարծիքով, գործում է և այսօր:

Խորհրդային պետության մեջ առաջինը, որ հանդգնեց ազ-
գային բանակ ստեղծել, հայ ժողովուրդն էր, որովհետև իր
դարավոր եղբրական փորձից հանգել էր այն եզրակացության,
որ իր հույսը ինքն է, իր ինքնապաշտպանությունն է: Այսօր
արդեն չկա մի ժողովուրդ, որն ինքնաբերաբար անկախություն
ստանալով՝ չմտածի իր ազգային բանակն ունենալու մասին:
Իսկ մենք արդեն չորս տարի ուշացել ենք, ինչ որ ստեղծված
էր՝ ոչնչացվեց, ինչ որ արտադրվում էր՝ այլևս դադարեց,
գիտակցաբար թե թողտվության պայմաններում կողոպտվե-
ցին գործարանների էլեկտրոնային հազվագյուտ սարքավո-
րումները, ձախողվեցին բոլոր այն նախաձեռնությունները,
որոնք ուղղված էինք ինքնապաշտպանության նպատակին...

Այժմ անդրադառնանք ձեզ հետաքրքրող մեկ այլ խնդրի՝
իմ և ՀԱՅ-ի գլխավոր հրամանատար Ռազմիկ Վասիլյանի
փոխհարաբերություններին:

Արդեն ասել եմ, թե ինչպես ընդգրկվեցի Վասիլյանի սաղմ-
նավորած խմբում, և 89 թ. օգոստոսի 4-ին հռչակեցինք

ՀԱՅ-ի ծնունդը: Դրանից հետո մեր բոլոր ջանքերը եղել են համատեղ. եթե Վասիլյանն անձամբ զբաղվում էր գեներ, գինավերից հայթայթելու, ջոկատներ կազմավորելու խնդիրներով, ապա ես հիմնականում զբաղվում էի ֆաղափական աշխատանքով, ֆանի որ մարդիկ ոչ միայն պիտի սովորեին գեներ փանեցնել, այլև պիտի գաղափարապես զինված լինեին, իմանային, թե հանուն ինչի են կռվում. աշխատում էի ամեն զինվորի ու հրամանատարի կողմնորոշել ստեղծված ֆաղափական իրադրության մեջ: Իմ նպատակների մեջ էր մտնում խորհրդային բանակում ծառայող կադրային սպաներին ՀԱՅ-ի շարքերը ներգրավելը. մեզ հաջողվեց 80-ից ավելի սպա, լեյտենանտից մինչև գեղապետ, և երկու գեներալ ունենալ մեր գորակայանում, և ֆաղափական պայմանների թելադրանքով ստրատեգիական հարց մշակելիս անգնահատելի էին լինում նրանց փորձը, գիտելիքները: Այդ մարդկանց մի մասն այսօր էլ ընդգրկված է Հայաստանի ռազմական կառույցներում:

Ես Ռազմիկ Վասիլյանին բնութագրել եմ դեռևս Սովետաշենի բանտում. այնտեղ լրացավ նրա ծննդյան 31-ամյակը, և ես, օգտվելով կալանավայրում նամակներ գրելու բնորոշ ձևից, ծխախոտի թղթի վրա գնահատեցի նրա ծառայությունը մեր ազգային-ազատագրական պայքարի մեջ, բնութագրեցի նրան որպես հրամանատարի, նախաձեռնողի, հիմնադրի: Այդ բնութագիրն իր մոտ է:

Ռազմիկ Վասիլյանը Խորհրդային Միության պատմության մեջ առաջինը ստեղծեց ազգային բանակ. սա անառարկելի փաստ է: Թե ինչ կառուցվածք պիտի ունենա ՀԱՅ-ը, ինչպիսին պիտի լինեն ջոկատները, ինչպիսի նամբարներ պիտի լինեն սահմանամերձ շրջաններում, — այս բոլորը նրա մտքի արգասիքն են: Նա խորհրդակցում էր հրամկազմի հետ, և նրա առաջարկներն ավելի կատարյալ էին դառնում, բայց ամեն ինչում նրա եռանդն էր, միտքն էր, նախաձեռնությունը: Ես ականատես եմ եղել կռիվներին նրա մասնակցությամբ, խիզախ ու հանդուգն է, թեև զինվորական կրթություն չունի: Նա պիտի դառնար ֆինանսիստ, սովորում էր Մոսկվայի ֆինանսների ինստիտուտում, բայց պայքարն սկսվեց, և նա հնարավորություն չունեցավ այլևս շարունակելու ուսումը: Ռազմական գործում բնատուր շնորհի ունի. նրա արմատները

գալիս են Մուշից, մեջը կրում է մշեցիներին բնորոշ ուղմա-տենչության գեները: Չնայած խոշորամարմին չէ, բայց կո-րովի է, չընկնվող: Մեր բոլոր հրամանատարներին մոտիկից նանաչելով՝ միշտ ինքս ինձ հարց էի տալիս՝ եթե Վասիլյանը չլիներ, ապա ո՞վ կարող էր փոխարինել նրան և դժվարանում էի ուրիշ մեկին տեսնել ՀԱԲ-ի հրամանատար: Երբ նրան Կրասնոդարում ձերբակալեցին, մեր ուղմական խորհուրդը որոշեց գլխավոր հրամանատար չընտրել և սպասել նրա վե-րադարձին: Բայց քանի որ գործն անգլուխ մնալ չէր կարող, որոշվեց ինձ ընտրել ուղմական խորհրդի նախագահ, և ես մինչև Վասիլյանի վերադարձը գլխավորեցի ՀԱԲ-ը: Նրա բա-ցակայության ընթացքում տեղի ունեցավ Նոյեմբերյանի առաջին կոմիւր, որը Երասխից հետո երկրորդ կարևոր մարտն էր և վնասող այն իմաստով, որ եթե Երասխում իրար դեմ կանգնած էին մեծ տեխնիկա և մարդկային ահռելի ուժ, եր-կու կողմում էլ խորհրդային բանակի զորամասեր կային, թեև չէին միջամտում կովին, ապա Նոյեմբերյանում ադրբեջանա-կան կողմը, որ սանձազերծել էր այդ ընդհարումը և շատ վստահ էր հաջողության մեջ, և մենք մենակ էինք, դեմ-դի-մաց: Այդ կովում իրեն փայլուն դրսևորեց Չաուշի ջոկատը: Այդ կովում մկրավեց մեր աղջիկների «Ղարս» ջոկատը: Այդ կովից հետո էր, որ տխրահուշակ Անարը, որ ֆրանսիական «Ֆիգարո» թերթում հայերին մագոխիստ էր որակել, վազեց Գորբաշովի մոտ, թե՛ փրկիր մեզ հայերից, թե չէ նրանք մեզ կլցնեն Կասպից ծովը... Հնարավորություն չունենալով երկար կանգ առնելու այդ կովի մանրամասների վրա, ասեմ միայն, որ եթե ռուսները չմիջամտեին, մենք արժանի դաս տված կլինեինք ադրբեջանցիներին, և այսօր էլ փակ չէր լինի Իջևան—Նոյեմբերյան մայրուղին:

Իմ ու Վասիլյանի միջև եղել են նաև տարակարծություն-ներ: Նոյեմբերյանի առաջին կովից հետո, թեև ռուսական ջո-կատներն արդեն նստած էին ադրբեջանական Բաղանիս ու Ոսկեպար գյուղերում, և մենք գիտեինք նրանց թվաքանակն էլ, տրամադրություններն էլ, նպաստավոր պայմաններ կային այդ գյուղերը վնասագեթծելու: Ադրբեջանցիները թույլ չէին տալիս (և դա շարունակվում է մինչև օրս) հայկական գյու-ղերի բնակչությանը խաղաղ ապրելու և աշխատելու: Ես

Վրեժը՝ «Վրիժառունների» և Մայիսը արդեն ստրատեգիական նպատակով ուսումնասիրել էինք տեղանքը: Ռազմական խորհրդում ես զեկույցեցի: Բայց ասեմ, որ նախքան բնադրվումը, կալանքից պայմանական ազատվել էր Ռազմիկ Վասիլյանը, և իմ զեկույցումը խորհրդում լսվեց նրա մասնակցությամբ: Խորհուրդը հավանություն տվեց ծրագրին, բայց Վասիլյանը կտրականապես դեմ արտահայտվեց, գտնելով, որ առաջնահերթը Արցախի նախապարհի բացումն է Քյալբաչարից: Ռազմական էլ փորձեցի հիմնավորել իմ փաստարկները, միևնույն է, նա մնաց անդրդվելի, նրա տեսակետը հաղթեց: Սակայն ոչ այդ, ոչ մյուս տարակարծությունները երբեք չեն ազդել մեր փոխհարաբերությունների վրա: Ես մինչև հիմա էլ գտնում եմ, որ մենք նակատագրական տխրալ թույլ տվեցինք. եթե իմ տեսակետը հաղթեր՝ այսօր մեր հյուսիսային շրջանները շատ ավելի բարձր ու ապահով վիճակում կլինեին:

Մեր շրջապատի մարդիկ գիտեին, որ մենք կես բառից իրար հասկանում ենք. բոլոր երևույթին, իմ ու նրա մեջ մի ընդհանուր բան կար, թեև ես իմ արմատներով խոյեցի եմ, նա՝ մշեցի, բայց, ի վերջո, երկուսս էլ նույն հող ու ջրի մարդիկ ենք՝ նա ծնվել է Կոտայքի շրջանի Զատ, ես՝ Զառից մի քանի կիլոմետր հեռավորության վրա գտնվող Շահաբ գյուղում: Նրա բնավորության, գործողությունների մեջ եղել են, իհարկե, բաներ, որ ինձ դուր չեն եկել. դա շատ բնական է, նա երիտասարդ է, ավելի բուռն, այնտեղ, որտեղ ես սառնասիրտ դատել եմ, նա պոռթկացել է: Բայց երբևէ մտնվա չի անցել նրա մեջ ինչ-որ թերություն շեշտել ու դա դարձնել հակադրվելու առիթ: Ընդհակառակը, մտածել եմ, որ համատեղ գործում ինձ ավելի լավ նաևաչելով՝ նա իր թերություններն ավելի հեշտ կշտկի, քան եթե հակադրվեմք միմյանց:

Ուզում եմ ասել նաև, որ մեր պատմության այս փուլում հայ ժողովուրդը նրան էլ, մյուսներին էլ ծնել է, որ զենք վերցնեն ու պաշտպանեն մեր հողը, մեր պատիվը: Նրբ ինձ հանդիմանում են, թե ՀԱԲ-ի մեջ հանցագործ տարրերը շատ էին և մտավորականներ չկային, ես նրանց պատասխանում եմ. դա հանցանք չի, մենք հնարավորություն չենք ունեցել ընտրության, ազգը ինչ տվել է՝ նրան էլ տեր ենք կանգնել: Իսկ

մտավորականներ եղել են, որ, հայտնվելով դժվարին պայմաններում, ռեալ վտանգի դեմ-հանդիման, չեն կարողացել երկար մնալ ու փաշվել են թիկունք: Այո, մեր շարքերում եղել են նաև հանցագործ տարրեր, բայց նիշտ չէ նրանց մատի փաթաթան դարձնելը ու դրանով իսկ ՀԱՌ-ը վարկաբեկելու միտումը: Նորից եմ ասում, ՀԱՌ-ը կամավորական բանակ էր, իսկ կամավորական բանակի կարգապահությունը չի կարելի համեմատել կանոնավոր բանակի կարգապահության հետ: Վերջերս կարդում էի Ավետիս Ահարոնյանի գիրքը Անդրանիկի մասին, որտեղ հեղինակը բացատրում է, թե ինչու Զորավարը հեռացավ պետական բանակային կազմավորումներից. հիրավի, ժողովրդական հերոսը, իսկական մեծ ֆիդայիներ չէր կարող «տեղավորվել» կանոնակարգված բանակի կառուցվածքի մեջ: Սա համոզիչ փաստարկ է: Մենք չէինք կարող կիրառել բոլոր այն պատժամիջոցները, որ ընդունված են կանոնավոր բանակում, մենք ավելի շատ աշխատում էինք բարոյական-դաստիարակչական միջոցներով ազդել հանցագործության հակված կամավորականների վրա. երբեմն հաջողվում էր, երբեմն՝ ոչ:

Տարիֆային առումով էլ ՀԱՌ-ը խայտաբղետ էր. նրա շարքերում կային 18-ից մինչև 70 տարեկան մարդիկ, որոնք անխրտիչ ապացույցեցին կոլեկտիվ իրենց ընդունակությունը: Կային 70 տարեկան որսորդներ, որ մեր լավագույն զինվորներն էին՝ ակտիվ, գործունյա, անվախ: Երիտասարդները նրանցից օրինակ էին վերցնում:

Ռազմական իմաստով ինչպիսի՞ կառուցվածք ունեւ ՀԱՌ-ը:

Նախ ասեմ, որ Ռ. Վասիլյանի բացակայության ժամանակ էս ակտիվ ֆաղափական աշխատանք տարա, որ հանրապետության բնակչության ամբողջ մարտունակ մասը ստանա ռազմական պատրաստվածություն: Մրազբեցի ստեղծել նաև հրամանատարություններ, ասենք՝ Արարատյան, Սևանի ավազանի, Հյուսիս-արևմտյան, թիկունքի հրամանատարություն, որ զբաղվում էր զուտ թիկունքի կազմակերպելու խնդիրներով: Նախատեսված էր Թուրքիայի և Հայաստանի սահմանագծում ստեղծել նաև սահմանապահ զորամիավորումների հրամանատարություն: Մենք ընդհուպ մոտեցել էինք այդ խնդրի լուծմանը, որովհետև թե այն ժամանակ, թե հիմա այն

կարծիքին եմ, որ մի գեղեցիկ օր Խորհրդային սահմանապահ զորքերը կարող են սահմանից բառիս բուն իմաստով գոլորշիանալ (դա դժվար չի ներկայիս տեխնիկայի պայմաններում) և սահմանը բաց թողնել թուրքերի առաջ: Կոմայրիում ծառայող ռուս սպաներից մեկը մեր մի սպայի հետ մտերմիկ գրույցի ժամանակ (հարբած է եղել) ասել էր, թե այդպիսի բան բացառված չէ, մի օր կարող ենք սահմանները բացել և ասել՝ թուրքեր, դուք ինչ-որ բան էիք ուզում հայերին ասել, խնդրեմ, եկեք, ասեք... Պատահական չէր, որ նախագահի թեկնածու Ժիրինովսկին էլ նման մի միտք արտահայտեց: Ես, իհարկե, այնքան միամիտ չեմ կարծելու, թե մենք այնպիսի պաշտպանություն կստեղծեինք, որը կհակակշռեր թուրքական հզոր ուժերին, բայց մի՛ բան է լիովին անպաշտպան մնալը, մի ա՛յլ բան՝ թեկուզ թույլ պաշտպանությունը, որը հնարավորություն կտար որոշ ժամանակ շահել ու անհրաժեշտ փայլերի դիմել:

Բոլոր այն շրջաններում, որտեղ ստեղծվում էին ՀԱԲ-ի շտաբներ ու համբարներ, կային նախ և առաջ ջոկատներ: Սկանի ավազանում, օրինակ, ունեին մոտ 30 ջոկատ. դրանցից յուրաքանչյուրը 15 օրը մեկ իր պարապմունքներն էր անցկացնում, զբաղվում էր զինավարժությամբ, դիրավորվելու հմտություն էր ձեռք բերում: Այս գործում մեր սպաների հետ մեկտեղ օգնում էին տեղացի նախկին զինվորականները, դպրոցների ուսուցիչները, ուսուցիչները, ԴՕ-ՍԱԱՖ-ի աշխատողները: Մենք գնում, փնտրություն էինք ընդունում, և տղաներին տրվում էր համապատասխան վկայական: Երբ ասում ենք՝ ՀԱԲ-ի կազմում 160 հազար կամավորական կար, ապա խոսքը ցուցակագրվածների մասին է, դրանց փոքր մասն էր միայն զինված: ՀԱԲ-ը դեռ ձևավորման մեջ էր: Վստահաբար կարող եմ ասել, որ հանձինս ՀԱԲ-ի և մյուս զինված ջոկատների, — նկատի ունեմ հատկապես «Անկախության բանակ», «Սասունցի Դավիթ», «Մեծն Տիգրան», «Արաբո» ջոկատները, «Ապավեն» գունդը և բոլոր մյուս կազմավորումները, որոնք կոիվների ընթացքում դրսևորեցին բարձր մարտունակություն ու անզիջում կամք, — մենք ունեինք լուրջ, հայրենիքին բոլորանվեր ծա-

ռայելու պատրաստ զինուծ, որը, կրկնում եմ, կարող էր դառնալ ազգային հզոր բանակի միջուկը:

Ինչևէ: Մարտի 16-ին նշանակվեց իմ դատը, որը ընդհատումներով տեեց մի ամիս: Դատավարությունը փակ չէր, բայց բաց էլ չէր. դահլիճում իրենց որոշակի տեղերում նրստած էին ՊԱԿ-ի աշխատողներ, իհարկե, ծալված, միլիցիայի աշխատողներ՝ չծալված, ՀՀՇ-ականներ: Հարազատներիցս ներկա էին կինս, որ հասարակական պաշտպան էր ձևակերպվել, թեև ունեի նաև պաշտոնական դատապաշտպան, բույրերս ու աղջիկներս, շատ փիչ թվով ՀԱՅ-ի զինվորներ, շարժման ակտիվիստներ, զանազան կազմակերպությունների ներկայացուցիչներ, լրագրողներից մի աղջիկ կար, որին չեմ նանաչում, հեռուստատեսությունից մեկը մի կարն դրվագ նկարեց՝ առանց ինձ հետ որևէ խոսք փոխանակելու, որպեսզի լրատվության մեջ հաղորդվեր: Դատավորի, դատախազի ու ատենակալների վարմունքից զգում էի, որ բարյացակամ են, ըստ պաշտոնի հարցեր էին տալիս ու չէին հակաճառում իմ պատասխաններին: Զգում էի դահլիճի համակրական վերաբերմունքը: Իմ վերջին խոսքում, ամբողջ իրադարձությունները վերլուծելով, ոչ միայն մեղավոր չէի նանաչում ինձ ու ՀԱՅ-ի մյուս ղեկավարներին, այլև ասացի, որ մեզպեսները Ադրբեջանում ազգային հերոսի համարում ունեն, վայելում են իշխանության, ժողովրդի աջակցությունը, ապրում են լիության մեջ, իսկ մենք, ահա, շնորհակալության արժանանալու փոխարեն դատվում ենք որպես հանցագործներ: Ասացի նաև, որ ժողովրդի համար նակատագրական, բախտորոշ պահին միակամ, միասնական դառնալու փոխարեն ջլատում ենք մեր ուժերը, բշտամուն հնարավորություն տալով դարձյալ մի մեծ պատառ պոկելու մեր հայրենիքից: Այսպես շարունակելու դեպքում, իմ խորին համոզմամբ, մենք դարը կփակենք մի նոր ցեղասպանությամբ, և այս անգամ էլ կհայթափվի Արևելյան Հայաստանը: Այսպես ասում եմ, և սա բնավ չի նշանակում, թե համամիտ եմ Կուրին Սարդարյանի՝ «Հայֆում» տպագրված հոդվածին, ուր նա առաջ է փաշում «Կամ Հայաստանի անկախությունը, կամ Արցախը» անբարո կարգախոսը, ինչպես նաև վերջերս «Երկիր» թերթում ներկայացված Աշոտ Բլեյանի դատողություններին, ուր նա ազդարա-

րում է, թե՛ եթե պետության (°) շահը պահանջում է՝ պիտի հանդուրժես թուրքի արարքները... Նման դատողություն երբեք չեմ հասկացել, դա դավանանքության նման մի բան է: Մանավանդ մի այնպիսի պահի, երբ ազգը ելել է ազգային-ազատագրական կենաց-մահու պայքարի: Անցած չորս տարվա ընթացքում, առանց Նժդեհին կարդալու, ես հանգել էի նժդեհականության գաղափարին և ՀԱԲ-ի ծրագիրը գրելիս համոզված էի, որ եթե Ղվեյցարական սկզբունքով մենք ստեղծենք ազգ-բանակ, ապա կունենանք առնվազն 1,5 միլիոնանոց զորուժ, Նժդեհի խոսքերով ասած՝ կունենանք ապստամբ ժողովուրդ, իսկ ապստամբ-ժողովուրդին Աստված ինքն էլ չի կարող հաղթել: 88 թվականի փետրվար-մարտ ամիսներին մենք ապացուցել էինք, որ այդ ժողովուրդն ենք, սակայն, ինչպես արդեն ասել եմ, բարոյալեցին ազգը. թե մենք, ահա, աշխարհում ամենաբարեկիրքն ենք, ծաղիկ չենք տրորում, նյուզ չենք կտրում, մեր հանցագործները ոչ մի հանցագործություն չեն կատարում, աշխարհ, զարմացիր, թե ի՞նչ փափկասուն ու սիրարիտ ազգ ենք...

... Դատի ընթացքում եղան նաև հանելի անակնկալներ: Քաղկոմի շենքը, այսպես կոչված, պատանդ վերցնելու դրվագի կապակցությամբ հավաքագրել էին մոտ քառասուն վկաների, նպատակ ունենալով ապացուցել, որ մենք իսկապես բռնի ուժով, զենքի միջոցով կոպտություններ ենք բույլ տվել քաղկոմի աշխատակիցների նկատմամբ, ինչը որ փրեռեն պատժելի է: Սակայն այդ քառասուն վկաներից և ոչ մեկը նման ցուցմունք չտվեց, ընդհակառակը, ասացին, որ իրենց հետ շատ կիրք ու փառավարի ենք վարվել, իսկ ահա հաբականներից առաջ շենք մտած ինչ-որ զինված անձնավորություններ իսկապես անկարգություններ արեցին, իսկ ՀԱԲ-ի ջոկատի տղաները նրանց վռնեցին շենքից:

Ի պատիվ Վլ. Աղայանի պիտի ասեմ, որ նրա ոչ գրավոր, ոչ էլ դատի ժամանակ տված ցուցմունքի մեջ որևէ հորինովի բան չկար: Նա ասաց, որ թե Հանրապետական կուսակցության ներկայացուցիչներ Աշոտ Նավասարդյանը, Լևոն Հակոբյանը, Կարապետ Կարապետյանը, թե ՀԱԲ-ի ներկայացուցիչը (որ ես էի), շատ բարեկիրք են պահել իրենց և խոսել են այնպիսի հարցերի շուրջ, որոնք անձամբ իրեն շատ են հետա-

բրբրել, նա չհամաձայնվեց դատավորի այն պնդմանը, թե իբր մենք խանգարել ենք նրանց նորմալ աշխատանքը. «Այն նպատակը, որ նրանք հետապնդում էին, նույնպես կարևոր փաղափական աշխատանք էր, որին մենք բոլորս հետամուտ էինք,— ասաց նա,— ուզում էինք վեց ամսով հետաձգել ընտրությունները, որպեսզի փաղափական բոլոր կուսակցությունները հնարավորություն ունենային հավասար պայմաններում ծավալելու իրենց նախընտրական գործունեությունը»:

Նդան նաև մարդիկ, որոնք շատ դրական գնահատեցին ՀԱԲ-ի գործունեությունը: Ասեմք՝ կոնկրետ իմ գործով մեղադրվող Մայիս Միրզոևին մեղադրանք էր ներկայացված № 25 ավտոսերվիսից հափշտակած ավտոմեքենաների համար: Այդ սերվիսի պահեստապետը (ազգանունը չեմ հիշում) դատարանում ասաց, որ եթե չլինեին ՀԱԲ-ի ջոկատները, իրենց մոտ ոչ մի մեքենա չէր մնա:

Կնոջս խնդրանքով կրճատեցի պատասխան խոսքիս բոլոր սուր տեղերը. նրան համոզել էին, որ ես ազատվելու եմ հենց դատարանի դահլիճից, այնպես որ իրադրությունը սրելու հարկ չկա: Համենայն դեպս, իմ ելույթը կառուցեցի այն առանցքի վրա (բացի նրանից, որ ներկայացված մեղադրանքները հորինովի են և ես անմեղ եմ), որ մենք կանգնած ենք պատմական, նակատագրական իրադարձությունների առաջ և եթե ազգը չգիտակցի չարենցյան ճշմարտությունը՝ որ իր փրկությունը իր միասնության մեջ է, ապա կարող է 20-րդ դարը մեզ համար վերջանալ մի նոր ցեղասպանությամբ: Ազգի թիվ 1 խնդիրը ինֆնապաշտպանության կազմակերպումն է. այդ նպատակից է ծնվել ՀԱԲ-ը, և փաղափական բոլոր ուժերը, ողջ ժողովուրդը ամեն ինչ պիտի անի այդ բանակը զորացնելու համար:

Պիտի անկեղծորեն խոստովանեմ, որ դատարանը, անկախ շննելով և հանձնարարություն կատարելով՝ կարող էր դատել ինձ վերագրված հոգվածներով սահմանվող առավելազույն պատժաշափով, բայց գիտակցելով, որ իսկապես հանցակազմ չկա, դատեց նվազագույնով՝ չորս տարվա ազատազրկում: Բայց փանի որ ամենիստիան եղել էր, և տարիքս էլ 60-ից անց էր, այդ ժամկետի երկու երրորդը կրճատվեց,

մնաց մեկ տարի շոքս ամիս, որ պիտի կրեի ընդհանուր ռե-
ժիմի գաղութում:

Մեզ թույլ տվեցին հարազատների հետ հանդիպել: Երկու
ժամ զրուցեցի կնոջս, աղջիկներիս, քույրս հետ, իրար գոտե-
պընդեցինք, հուսադրեցինք...

Դատվելուց հետո ՊԱԿ-ի մեկուսարանից ինձ տարան Սովե-
տաշենի բանտ, որտեղ մեկ ամիս թողնելուց հետո տեղա-
փոխեցին Կոշի գաղութ: Այդտեղ շատ մարդկանց հետ անձ-
նական ծանոթություն հաստատեցի, շատ հետաքրքիր
զրույցներ ունեցա: Շատերը շահագրգիռ էին իմանալու ճշ-
մարտությունը ՀԱԲ-ը լուծարելու, նրա ղեկավարներին ձեռ-
բակալելու, մեր մասին հորինված բազմաթիվ հերյուրանքնե-
րի շարժառիթների վերաբերյալ: Ես էլ աշխատում էի իրողու-
թյունը ներկայացնել այնպես, ինչպես որ ինձ էր հայտնի:

Օգտվելով առիթից, որ ինձ առանձին սենյակ էր հատ-
կացված, շարունակեցի զբաղվել գորգերի ուսումնասիրու-
թյամբ, խորացրի անգլերենի գիտելիքներս, կալանավորների
համար դիմումներ էի գրում, ներման հայցեր:

1991 թվականի սեպտեմբերի 25-ին գաղութում նորից
դատ եղավ, որտեղ, ի թիվս այլևայլ գործերի, բնեցին նաև
իմը: Դատարանը հարմար գտավ իմ հանդեպ կիրառել քեա-
կան օրենսգրքի 49-րդ հոդվածը, որով սահմանվում է վա-
ղակետ պայմանական ազատում...

Ես երդում ունեի, որ ազատվելու օրը, նախքան տուն գնա-
լը, պիտի այցելեմ Չաուշի գերեզմանին, այնուհետև խուս-
տուսի գնամ՝ Նոդենի գերեզմանի վարը համբուրելու: Գաղու-
թի պետի հանձնարարությամբ աշխատակիցներից մեկը իր
անձնական ավտոմեքենայով ինձ տարավ Չաուշի գյուղը:
Ճանապարհին ծաղիկներ առա՝ գնացի գերեզմանոց: Համբու-
րեցի մեր անմոռանալի մարտական ընկերոջ շիրմաքարը: Չգի-
գիտեմ ինչպես՝ լուրն իսկույն տարածվեց գյուղում, և քիչ
հետո այդտեղ եկան Չաուշի զինակիցները և որդին՝ 16—17
տարեկան մի շատ համակրելի տղա: Ինձ չճանաչեցին: Հետս
եկած վարորդն ասաց՝ գիտե՞ք ով է: Ասացին՝ կերեկի, որ կըռ-
վող տղա է: Եվ երբ ուղեկիցս ասաց՝ «պարոն Վարդանն է»,
հերթով մոտեցան, ողջագուրվեցին... Ասացի՝ իմացե՛ք, որ
Չաուշը ՀԱԲ-ի գնդակից չի զոհվել: Ասացին՝ գիտենք...

Այդտեղից, բնականաբար, խուստուփ գնալ չէի կարող, սպորտային հագուստով էի, ուղեկիցս բենզին չունեի, եղանակն էլ այն չէր: Այդտեղից ուղիղ գնացի աղջկաս տուն, բռններիս տեսա, նոր միայն հաշորդ օրը զանգահարեցի կնոջս...

Այդպես ավարտվեց իմ ողիսականը:

ՀԱՅ-ը լուծարվեց, և դրա հետևանքներն են նաև Շահումյանում և Արցախում 24 հայկական գյուղերի կոտորածը, թալանը և հայթափումը: Հանրապետության անխոցելի սահմանները բազմիցս ենթարկվեցին լայնամասշտաբ գրոհների, դատարկվեցին սահմանամերձ շատ գյուղեր, հրդեհվեցին, գրեղակոծվեցին բազմաթիվ տներ, առևանգվեցին անասնահոտեր, նյութական ու մարդկային մեծ կորուստներ պատճառվեցին մեզ: Հայտնի է, որ սահմանամերձ շատ գյուղերում մինչև օրս էլ գյուղատնտեսական աշխատանքներ չեն կատարվում: Որտեղ որ մնացել են ՀԱՅ-ի նախկին, այժմ արդեն երկրապահ կոչվող ջոկատները, այնտեղ թշնամին արժանի հակահարված է ստացել: ՀԱՅ-ի լուծարումն ունեցավ միմիայն բարոյալիք ու նշանակություն:

Կարող եմ անվարան ասել, որ Արցախում կովող ազատամարտիկների մի ննշող մասը ՀԱՅ-ի զինվորներն ու հրամանատարներն են, որ գուրգուրանքով պահում են իրենց զինգրքույկները: Ոչ մի կասկած չունեմ, որ եթե ժողովրդին նորից լայնամասշտաբ վտանգ սպառնա, ապա խաղաղ աշխատանքի անցած նախկին հաքականները դարձյալ կկանգնեն հայրենիքի պաշտպանության առաջավոր դիրքերում:

— Ինչո՞վ ե՞ք զբաղվում այժմ, ի՞նչ մտադրություններ ունեք:

— Ինձ համար շատ դժվար է կոնկրետ ու որոշակի պատասխան տալ այդ հարցին. ունեմ երեք նախասիրություն, երեք մտադրություն՝ Կոմիտասը, հայկական գորգարվեստը և ՀԱՅ-ի պատմությունը: Վաղուց նպատակ ունեմ վեպ գրել և Կոմիտասի կյանքն ու գործը ներկայացնել 20-րդ դարի հայ և համաշխարհային իրադարձությունների համայնապատկերի վրա: Այն պիտի ունենա «Ահեղ դառաստան» վերնագիրը, որն էլ լինելու է վեպի գաղափարական առանցքը. եթե մենք չկարողանանք համախմբվել իբրև միասնական ազգ, չկարո-

դանձն՝ դիմագրավել փորձություններին ու չհաղթել, ապա մենք էլ դառնալու ենք անեղ դատաստանի զոհերը, իսկ եթե կարողացանք՝ անեղ դատաստանի առաջ կկանգնի մեր դարավոր ոսոխը:

Հայկական գորգարվեստի ուսումնասիրությունը ոչ թե սոսկ այդ բնագավառին նվիրված գիտական աշխատանք է, այլ մեր մշակույթի բուն արմատներից բխող և բացառապես հայկական մի երևույթի գնահատում: Գորգագործությունը հայ արվեստի մյուս նյութերի հետ մեկտեղ խոր հետք է թողել համաշխարհային մշակույթի վրա. նրա ուսումնասիրությունը պահանջում է վիթխարի ջանք ու նվիրվածություն:

Ինձ հանգիստ չեն տալիս նաև մեր մարտիկների բազում խիզախությունները, մեր զոհված ընկերների անմարելի հիշատակը...

Այս չորս տարիները ինձ հանգեցրին ցեղակրոնության՝ որպես միակ և հավերժական ազգափրկիչ գաղափարին: Ունեմ բազմակողմանի մտածված ու մշակված գաղափարական ու գործողության ծրագրեր:

Դեռ մտորումների մեջ եմ և չեմ որոշել, թե այս նվիրական նպատակներից որին եմ նախապատվություն տալու իմ առաջացած տարիքի մնացորդ մասում:

Իհարկե, լրագրային հրապարակումը հնարավորություն չտվեց բացելու ծանր վարագույրի բոլոր ծալքերը. իմ հիշողության մեջ եմ թողնում բազում-բազմաթիվ դեպքեր, իրադարձություններ, հանգամանքներ, համոզմունքներ, կասկածներ, մարդկային բնավորության հասկանալի ու բարդ դրսևորումների բնութագրեր... Հուսով եմ, որ այդ ամենը իրենց լուսաբանումը կտառնան այն զբոսը, որը անպայման զբվելու է մեր ազգային-ազատագրական պայքարի կարևոր դրվագներից մեկը միտումնավոր աղավաղումներից փրկելու թելադրանքով:

Գրի առավ ԲԱՅԱ ԽԱՍԱՊԵՏՅԱՆԸ

ՈՂՋԱԿԻԶՄԱՆ ԽԱՐՈՒՅԿ

(Բոլոր ազատամարտիկներին՝ անմահ, թե ողջ)

Հայրենիքի արեւծոր վերքը փակում են և կարող են միայն երգվյալ նահատակները, մարտիրոսները, ֆիդայիները, ցեղակրոնները, աստվածացած հայերը, արիները, դյուցազունները: Բոլոր նրանք, ում համար տեղ է պահված երկնում՝ ՀԱՅԿՅԱՆ ԱՍՏՂԱՏԱՆԸ: Նրանք՝ ովքեր կարող են առյուծ նդել և ոչ թե՛ կառու: Նրանք, ում առջև փռված է թշնամու սարսափը: Նրանք, ովքեր ԹՇՆԱՄՈՒ ՍԱՐՍԱՓՆ են: Մարտադաշտը, ահա անդաստանը ցեղակրոն ցանքսի ու հունձի, ահա ասպարեզը նրա հավերժական ողջակիզման ու փառքի: Ցեղակրոնը որոնում է մարտ ու մահ որպես կեցության ու գոյի նարակ և անմահանում ողջակիզվող արյան որումով, ազգային բազմի ու նրա կերոնների մշտավատ յուրը լինելով, հանդելու ազգային աստվածների ռունգերը: Միայն ազգի այս ողջակիզվող փաղանգն է ի վինակի փրկելու ստույգ կորսության դատապարտված իր ժողովուրդը:

Արիորդի, հայորդի, ողջակիզվող ցեղակրոն, մի՛շտ հիշի՛ր, եթե դու ամեն օր, ամեն ժամ շանմահանաս, ապա չի ապրելու ազգդ, միշտ մեռնելու է ժողովուրդդ:

Ողջակիզում: Ահա քո խաչը: Ու որքան մեծ է այդ ողջակիզման խարույկը, այնքան մեծ է հեռուները լուսաբակող նրա լույսն ու ջերմությունը, այնքան փոքր է մութը հայրենի անդաստաններում, այնքան սրբազան է նրա յուրաքանչյուր թիզ հողը, այնքան լուսնաբացած յուրաքանչյուր տուն ու շեն:

Պանծա ու պանծացրու, աստվածընտիր ցեղակրոն:

Մի՛շտ հիշի՛ր, դարձյալ հիշի՛ր ու կրկին հիշի՛ր, ով ցեղակրոն, քո ողջակիզման խարույկների շարանն է լուսավորում հայոց պատմության հինգհազարամյա փռուղին, որի օձագալար երկնամետ կեռամանների վրա կերոնի պես վառվեցին

ՀԱՅԿԸ ու ԱՐԱՄԸ, ԵՐՎԱՆԴԸ ու ԱՐՏԱՇԵՍԸ, ՏԻԳՐԱՆԸ ու ԱՐՇԱԿԸ, ՎԱՐԴԱՆԸ ու ՎԱՀԱՆԸ, ՍՄԲԱՏԸ ու ԱՇՈՏԸ, ՌՈՒՔԵՆԸ ու ԼԵՎՈՆԸ, ԴԱՎԻԹ ՔԵԿԸ ու ՄԵԻԹԱՐԸ, ԱՆԴՐԱՆԻԿԸ ՈՒ ՆԺԴԵՀԸ: Եվ ԴՈՒ, ով մԵՐՕՐԵՅԱ ցեղակիր ցեղակրոն: Ահա մԵՐ ստույգ աստվածները, ահա մԵՐ պաշտամունքը, ահա մԵՐ ԱՆՄԱՀՈՒԹՅՈՒՆԸ: *մեր հինգհազարամյա խարույկների անվախճան ողջերթը:*

Խարույկվիր, ով ողջակեզ ցեղակրոն: Ապրեցրու ԱԶԳԻ, որ ապրեն քո աստվածները, պաշտեցրու քո աստվածները ճոր զոհաբերումներով, որ չմեռնի քո ժողովուրդը:

Օ՛ն անդր, ցեղակրոն:

Զի ասված է՝ ԺՈՂՈՎՈՒՐԴԸ, ՈՐԸ ԶԻ ՈՒԶՈՒՄ ՄԵՌՆԵԼ՝ ԶԻ ՄԵՌՆԻ. ու թե՛ ԱՊՍԱՄԲ ԺՈՂՈՎՐԴԻՆ ՄԻԱՅՆ ԱՍՏՎԱԾ ԿԱՐՈՂ Է ՀԱՂԹԵԼ: ՄԻՆԶ ԱՍՏՎԱԾ Է ՀԵՆՑ ԻՆՔԸ՝ ԱՊՍԱՄԲ ԺՈՂՈՎՈՒՐԴԸ:

ԱՍՏՎԱԾԱՑԻՐ, Ո՛Վ, ՀԱՅ ԺՈՂՈՎՈՒՐԴ:

ՎԱՐԴԱՆ ՎԱՐԴԱՆՅԱՆ

27.09.1992 թ.

Ինձ համար մի ավելորդ անգամ պարզ դարձավ, որ այդ ամենը փաղափական հաշվեհարդար է մի մարդու հանդեպ, որը չի ընդունում ՀՀՇ-ի գաղափարախոսությունը, նրա պայքարի ձևերն ու տակտիկան: Եվ անհ ինձ ու ՀԱԲ-ի մյուս ղեկավարների հետ հաշվեհարդար է տեսնվում, որ մեկուսացվի նաև բանակը, որն արդեն հուշակ էր վայելում Հայաստանում ու նրա սահմաններից դուրս: Միաժամանակ ազգին տրամադրում էր ՀԱԲ-ի գաղափարախոսության, այսինքն՝ ինֆապաշտպանության նպատակով ուժեղ կառույցներ ստեղծելու դեմ:



Հիշեցնեմ Սիմոն Վրացյանին գրած Ավետիֆ Իսահակյանի նամակը, որտեղ բանաստեղծը ռուս-թուրք-հրեա եռանկյունին դիտում էր որպես հայ ժողովրդի բնաջնջմանը հետամուտ մի ալյանս... որը, իմ կարծիքով, գործում է ն' այսօր:



Եթե մենք չկարողանանք համախմբվել իբրև միասնական ազգ, չկարողանանք դիմագրավել փորձություններին ու չհաղթել, ապա մենք էլ դառնալու ենք անեղ դատաստանի զոհերը, իսկ եթե կարողացանք՝ անեղ դատաստանի առաջ կկանգնի մեր դավաճոր ռոսիսը:



Այսպես շարունակելու դեպքում, իմ խորին համոզմամբ, մենք դարը կփակենք մի նոր ցեղասպանությամբ, և այս անգամ էլ կհայաթափվի Արևելյան Հայաստանը:



Ազգի թիվ 1 խնդիրը ինֆնապաշտպանության կազմակերպումն է. այդ նպատակից է ծնվել ՀԱԲ-ը, և ֆաղափական բոլոր ուժերը, ողջ ժողովուրդը ամեն ինչ պիտի անեն այդ բանակը զորացնելու համար:



ՀԱԲ-ը լուծարվեց, և դրա հետևանքներն են նաև Շահումյանում և Արցախում 24 հայկական գյուղերի կոտորածը, թալանը և հայաթափումը: Հանրապետության անխոցելի սահմանները բազմիցս ենթարկվեցին լայնամասշտաբ գրոհների, դատարկվեցին սահմանամերձ շատ գյուղեր, հրդեհվեցին, գնդակոծվեցին բազմաթիվ տներ, առևանգվեցին անասնահոտեր, նյութական ու մարդկային մեծ կորուստներ պատճառվեցին մեզ:



ՀԱԲ-ի լուծարումն ունեցավ միմիայն բարոյալիզող նշանակություն:



Նոր ստեղծված իշխանությունը, եթե այն իսկապես շարժման ծնունդն էր, իր զավակին չպետք է լափեր, այլ պիտի սրտացավությամբ զբաղվեր նրա արմատական վերակառուցման խնդիրներով:



ՀԱՍՈՒՅԹԸ՝
ԶՈՂԱԾ ԱԶԱՏԱՄԱՐՏԻԿՆԵՐԻ
ԸՆՏԱՆԻՔՆԵՐԻՆ